


資治新書二集


十三之四




漢書門			
二	〇	一	〇
冊	架	函	號

庫文閣內	
內閣文庫	
番號	漢 2420
冊數	20 (16)
函號	297 40

共廿





資治新書二集卷之十三目次

告示部

民事一 清戶役

均役示

陳大來

嚴華兒年

賈膠侯

糧役示

高富公

民事二 均田賦

均田示

顧南樓

民事三 招復業

招歸善縣難民

李包蘭

民事四 勸開荒

勸諭開荒等事

顏孝敘

吝訪民情事

喻念茲

民事五 禁愚報曉舉

資治新書二集 卷十三目

文正堂

禁懸報熟地 賈膠侯 禁懸坐開荒 賈膠侯

再禁懸坐開荒 賈膠侯

民事六 查隱漏地畝 賈膠侯

察隱地 賈膠侯

民事七 重鄉約 蔡魁吾 鏗書示 蔡魁吾

還鄉約 嚴保甲 嚴保甲 周棟園 嚴查奸宄示 呂長木

民事八 嚴保甲 李毅可

活保甲條諭 嚴保甲示 蔡魁吾 恤商民 賈膠侯

民事九 恤商民 僧道扶 諭行戶 劉耀微

禁官價 諭行戶

除行戶

諭行下 白九峯 懸鑑察弊事 王望如

民事十 禁土豪 張壺陽

嚴禁土豪 庶務

民事十一 庶務 周棟園 禁違例放債 李含馨

嚴禁違旨背律等事 蔡魁吾 斬放火兇犯後曉諭軍民 陳司貞

蠲豁亡丁 陳司貞 誠諭出洋愚民 陳司貞

禁搶火 梁治涓

靈隱禁約示

資治新書二集卷之十三

湖上笠翁李

漁蒐輯

婿沈心友伯訂

民事一清戶役

均役示

漳南陳大來
諱務秦
守憲

為嚴禁漏富差貧以甦窮民積困事照得民徭之重
今實堪憂力役之征古所不免處今日而欲民安耕
鑿之常不歎差徭之苦此必不得之數也但照糧米
當差富者役多貧者役少尚于困苦之中猶享均平
之福乃有糧多頭戶慣使安逸之錢不任繁勞之事
或借庇于鄉紳或浼情于游客或倩衙蠹舞文或浼
劣衿抗法將上手苦役卸之下手貧民李代桃僵莫

可控訴甚有以里催見年等役十年一輪之差亦自
宦戶生員戶託情求免者是單戶小民永無息肩之
日而素封大族常偷高枕之安矣茲本道蒞任伊始
一切民困誓與蠲除而均平戶役其首事也除牌行
各屬印官以後輪點戶役及簽派民夫等項不論紳
衿百姓俱照糧數當差一概不准優免外合行出示
曉諭示後如有賄囑濫免等弊許受害里民指名控
訴以憑嚴究

嚴革見年

陝西 巡撫 賈 膠 侯 諱 漢 復 曲 沃 人

為見年禁革已久有司陽奉陰違再行嚴禁以肅
功令以甦民困事照得各州縣設立見年實屬民間

大累先曾奉 旨革除又經本部院嚴禁不啻三令
五申矣邇來如咸長等縣革除錮弊者固多中有不
肖有司私用見年者仍復不少切思督催錢糧自有
里排什則何用見年又何至屢禁不革卽此屢禁不
革知非無故而然細詰其由則以見年之設雖損于
民而實大利于官收也如錢糧則應吏收官解官侵
耗銀役索常例而以起解責之見年傾銷路費添搭
等項俱令見年出備如號馬草料額有站銀站銀官
役侵肥草料則派見年供應驛馬倒斃應動正項錢
糧正項八已則馬令見年買補損轎馬夫民皂等役
自有經制額設工食工食官役侵扣勒令見年私賠

或因上司差人催提事件責令見年起發或稱夫馬不足勒令見年催夫貼馬甚有過往安置供應餽道以及本官需用紬帛布疋米麵蔬菜什物等項件出諸見年所謂取之無窮用之不竭者見年是也夫官受見年之利者如彼見年受官之累者如此無怪見年不敢近官而官之不肯去見年也且見年一立衙役視為奇貨如明歲值當見年今冬先遁認狀見面召保等事行行有費及其任事之後或稽查保甲逃人等事月月取給則月月有費稍不遂意則拘鎖辱毆凌虐百端夫衙役受見年之累者如彼見年受衙役之害者如此無怪乎見年疾衙役如讐而衙役

趨見年若鷲不欲使官去之也嗟嗟小民竭數年耕眠之力盡生平積蓄之資只須見年一役遂是蕩產傾家本部院言念及此能不痛恨除密行嚴訪叅拿外合再申禁為此仰本官即便嚴行所屬各州縣務要恪遵功令洗滌肺腸凡有見年者乘本部院未經察出速速革除仍刊刻木榜豎立縣前使人人曉諭該廳時加廉訪倘有仍前不遵法令倘有見年未革者即據實指名揭報以便飛章叅處云

糧役示

涇縣高寓公謹承提

為永定糧役以除積害事照得涇縣南北運米凡七千餘石舊例將邑中戶甲分為四區名為糧長輪充

是役每十年一次。惟是田有多寡。分區各派。已有不均之歎。邇來米價甚貴。及官軍軍需。索常例費。出無名。遂至每米一石。貼銀三兩。有奇。在田多糧廣之區。已爲十損其一。若以小區克之。役未終而田已賣甚矣。役重之難支也。且其中之虧弊。更有不勝言者。如所分之區。有田過萬畝者。有不及百畝者。其相去之數。不啻霄壤。而均派使費。一無重輕。則少者何辜。而多者一何幸耶。此其弊之明者也。又有將克本戶。現年預將其田詭寄他戶。及他戶將克現年。又將其田。弔歸本戶。則奸民豪戶之田。永無當差應役之日。而其苦悉歸于忠厚小民。此其弊之暗者也。又有田

多糧廣之大區。利于現年之省費。賄通里書。及該房弔。扯下手戶。甲之田。使之貼費。朋黨及至輪該下手費用。雖多。而其田已寥寥無幾。是輕者愈輕。而重者愈重。此之爲弊。又在不明不暗之間者也。邑田止有此數。一任奸民蠹役。移東移西。扯來扯去。縣官能知而不能禁。小民敢怒而不敢言。養弊縱奸。害將安底。今本縣不避怨勞。爲爾民力清此弊。除兌軍使費。本縣恪遵祖制。盡革陋規。以押旗軍橫索外。復嚴加釐正。通計合邑共田若干。十年輪克戶。役每年派田若干。永立定額。不使區有大小。費有輕重。派定之後。卽使田有開除變賣。至年分輪及。仍令扯回扣數。以期

適均。行之經久。自能無弊。爾民毋得再圖。躲閃自貽。伊戚。須至示者。

民事二 均田賦

均田示

六合 顧南樓 諱高言 縣尹 秀水人

為奉憲編審詳定均田。以甦民困。以垂永久。事照得。則擬定賦。王制有不易之規。計產均輸。編氓守一成之法。凡列版圖。罔敢踰越。但民間消長不齊。戶口增除靡定。故十年大造。以便推收。法至善也。本縣承乏。茲土編戶。僅一十九里。而其中偏枯舛謬。不可勝言。甚至一甲而家數畝。一甲而積畝數千。無怪阡陌連田。而膏腴坐擁。立錐無地。而煩苦莫支。此從來流

弊。極重難返之勢也。本縣待罪以來。稍有裨益。地方者實心舉行。茲奉憲檄編審。與紳衿父老。公議興革。力行均里均田之法。通盤打筭。每甲額田若干。務期衰多益寡。不至此絀彼盈。自夏徂秋。焚膏繼晷。田畝參差。戶田增減。皆親自裁定。從無假手吏胥。並不稍徇情面。今榜册告成。詳憲勒石。永定良規。不惟窮閭免不均之憂。即素封亦無偏重之累。豈止貽美利于十年。或可垂善政於百世。倘有豪強抗法。專利而思阻撓。狐鼠作奸。憑城而滋花詭。本縣盟心有素。執法如山。月旦之口。易移。薑桂之性。不改。知我罪我。不顧亦不問也。其各凜遵。永垂無斁。



民事三 招復業

招歸善縣難民

嶺東守憲李包閣諱文煌河南人

為招徠復業事。照得縣名歸善。善則可歸。爾邦既為首善之地。此時又遇勸善之官。爾等不歸更復何待。聞此城向稱欣樂。今觀其氣象清新。風水靈勝。但房宅損壞。須費綢繆。本道念切民依。恐此等基地日久無人。則為荒草湮沒。或成廢土。或報入官。殊為可惜。昨本道親閱城郭。鞏若金湯。周視戶牖。尙堪經理。爾民與其圖新。何如仍舊。為此示諭各原主。知悉。即便查照舊日基址。各自認識。稍稍葺治。便可安身。如或一時難于創造。許爾民各割草萊。豎畫原址。漸圖起

葢。但不得越過尺寸。致啟爭端。爾不侵人。人亦不敢侵爾。此本道一片熱心。亦緩輯地方之亟務也。

民事四 勸開荒

勸諭開荒以廣農業事

邵陽邑宰顏孝敏諱堯揆永春人

照得農以力田為本。業以廣植取饒。凡爾百姓。歲有應納之官糧。日有必需之雜費。上自祭祀燕享。下及衣食婚嫁。事事要行。節節難省。務期田多業廣。方能取用裕如。今本邑荒田尙多。使富者能墾。則家道益增。貧者能墾。則妻孥有靠。赤身者能墾。便可有室。以致富庶流寓者能墾。便可為世業。以貽子孫。不費半價而可得良田。陸續用工。而又得蔓獲。從長計較。



開荒實爲上策。況今農事伊始。雨暘時若。正宜及時開種。使秋成有望。千倉萬箱。舉家歡樂。此亦何等美事。而甘蹉跎過日。豈本縣能爲爾。百姓謀在爾等。百姓反不能爲一家謀。一身謀乎。爲此示諭四十二里人等。知悉。各相鼓勵。有力者獨耕多畝。無力者合本同開。其有欲墾無本者。着同約正具呈。本縣借給牛種。俱照例三年起課。仍給照帖。以杜爭端。如能墾踰百畝。卽着呈報本縣。定行賞紅獎勵。并免雜差。是爾百姓既得爲務本之良民。又得受官府之優待。如此機會。萬毋坐失。轉相傳告。以觀厥成。

諮訪民情示

賴州喻念茲諱三畏關東人

爲開荒。旨諭登頒。田野荒蕪如故。新任者不得其由。畏墾者必非無故。合行諮訪。以便興行事。照得開荒一事。登奉。明旨。許以三年起科。又奉各上臺憲示。凡屬墾荒之民。一概免具差役。亦可謂有利無害。難得易失之機會矣。乃本州入境以來。處處止馬。縱觀其已經播種者。皆係熟土。而新墾之地。甚是寥寥。豈今鞠爲茂草者。盡屬稿壤。石田難施。胼胝之力者。乎。然必寸草不生。一鋤難下。始稱不毛之地。未有蓬蒿盈丈。雞豕成群。能產野粒。以活禽畜。不可植家穀。以養人民者也。本州睹此茂林豐草。不勝爲爾民歎息。求其不墾之故。必有一種苦情。或畏開荒之初。豪

右見阻。或慮墾熟之後。故主出認。或地頭里役人等。需索雜費。皆不可知。至于農器耕牛。本州自能措處。給發小民。何畏而不前。為此出示。諮訪爾民。凡有難墾之情。速來陳說。本州忝為民牧。自當為爾分憂。

民事五 禁懸報開墾

禁懸報熟地

河南賈邱侯諱漢復
巡撫山西人

為嚴察懸報地畝。以杜民累事。照得此番清查地畝。本部院數經告誡。又委道官親詣勸諭。令民自首。立無罪地。誠慮清丈之後。荒熟不清。隱漏難掩。彼時地既入官。仍要科罪。追租窮簷。小民何以堪此。諄諄告誡。今有司共知。令百姓共見。不欲懸坐一畝之熟。亦

不欲飾報一畝之荒。滿望豫屬州縣遠邇共知。孰意近聞歸德所屬州縣。有熟地而從實首報。間有荒地而亦捏報成熟者。揣愚民之心。不過因向來舊則行糧有二畝而折大地一畝者。有三四畝而折大地一畝者。恐欽差不允。照畝作算。貽患不小。殊不知各處地畝等則大小原自不同。丈量繩尺。悉照舊行規。則已經戶部題覆奉旨允議。本部院先據邸抄。卽遵行所屬在案。爾民果荒為實。荒熟為實。熟合算不虧原額。卽欽差御史前來。未有不深悉民情。甘外等則而別為吹求。以作強民之事。爾百姓何必皇皇過計。若斯第思此懸報之地。多不在紳衿而在里民。

里民何辜而受此賠累恐類此者不獨歸德所屬爲然若不嚴行清查民害何除合行出示確查爲此示仰撫屬州縣併紳衿里民人等知悉各將熟荒地畝從實首報各處成熟見在實實若干荒蕪見在實實若干合盤打算既不虧額又不累民造冊申報自無後患倘有司奉行不善地仍有荒而飾報全熟強民賠累者該管道府卽指名揭報以憑題參治罪若道府不舉爾被害之民與其告辯於異日何如其告於今日本部院卽與除豁斷不貽累慎勿自相疑畏甘受包荒自罹賠累之苦貽本部院以不美之名爾士民其相信相諒勿自貽悔須至告示者

禁懸坐閑荒

河南巡撫賈膠侯諱漢復山西人

爲嚴禁勒報地畝以避殘黎事照得中州百姓連年墾地固多自十五年奉旨清察自首季墾已經盡報無餘年來水旱頻仍所收尙難糊口又兼兩年並徵小民輸辦維艱切膚之患尙顯不暇豈有餘力再事開墾但恐不肖有司謬循季報之例圖邀紀錄之功不論開墾之有無勒民強報圖恤黔黎之疾苦按戶懸裁又恐積蠹里書借季報之名目爲索詐之由頭稍不遂意暗捏地數入冊斯時地方罹災甚多斯時百姓窮苦無告倘官役不體民瘼窮黎必至逃徙則已熟之地將見復荒安望久荒之地復能成熟也

一。至。民。逃。地。荒。之。後。錢。糧。逋。欠。益。多。各。官。考。成。尚。難。免。于。叅。罰。又。安。望。紀。錄。之。能。律。也。民。累。卽。是。官。累。爾。各。有。司。但。未。熟。計。耳。合。行。出。示。曉。諭。爲。此。示。仰。撫。屬。官。吏。士。民。人。等。知。悉。示。後。凡。鄉。紳。士。民。果。有。新。墾。荒地。聽。其。自。報。入。冊。若。無。新。墾。季。終。回。文。如。敢。違。禁。勒。民。強。報。或。暗。加。懸。裁。不。論。地。之。多。寡。許。被。害。之。家。卽。赴。本。部。院。衙。門。據。實。陳。告。該。管。印。官。從。重。叅。處。經。承。里。書。鎖。拿。斃。杖。決。不。輕。貸。各。宜。凜。遵。慎。毋。以。身。試。法。

再禁勒報墾荒

賈膠侯

爲開墾聽民自便勒報大拂人情嚴飭奉行各官勿

以邀功歛怨事照得墾荒一案關係考成多則論功少則註劣此定法也但邇來朝廷建一功格有司卽增一羶途有司增一羶途小民卽多一死法苟利功名走之若鶩雖斃數百家之生命以自殉所不顧也如一聞錢糧全完不論俸滿卽陞之例各處有司急圖陞轉無不嚴刑酷比多有斃民杖下者一聞墾荒敘績之例各處有司無不家櫛戶比坐以荒田勒使開墾多有不顧怨謗者獨不思爾要功名百姓亦要性命爾圖眼下富貴百姓也圖日後平安若以力不能墾之田逼之使墾姓名入冊轉眼卽是三年萬一錢糧徵比不來後官豈肯代爲任過則捏墾之罪

較之不墾尤重求進得退是由揠苗使長與宋人同
一轍也合行嚴禁云

民事六 查隱漏地畝

察隱地

河南 巡撫 賈膠侯 諱漢復 山西人

為嚴察隱地貽累大弊以甦偏苦以振法紀事竊照
曩者奉文清察地畝一以釐欺隱之弊一以清包荒
之苦原行甚明鑿鑿在案若州縣果履畝親丈多者
少者當下立判亦何小民受累至今尙有偏苦不均
之歎耶近訪得前此躬親踏勘從公冊報者固有而
以察地之責專委里長鄉保止據冊報借手塞責者
儘多以致豪強多種無糧之地而小民反納無地之

糧所以然者非里書戶房通同賄賣卽奉委鄉保畏
惡徇隱如此永害累及編氓就有膏腴肥產亦必力
不能支而况胼胝薄田僅足糊口者能保其常守故
園而不轉徙他所乎為民上者目擊此况一味悠悠
忽忽而不一為振刷不惟無國法更無人心本部
院今已訪知多種者歷歷有人徇縱者比比而是若
不嚴察特奈民害何除為此牌仰該司官吏卽便移
文守巡等道轉行各府州縣大張告示諭曉隱地者
盡數出首包荒者據實開陳該州縣就將所首多種
之地均補賠累之家若賠累人戶有能舉報他人多
種地畝審明得實先補本人餘及他戶仍卽賞銀二

十兩。該州縣果能大破情面。實心奉行。清出數多者。備造清冊申報。本部院定行破格題薦。從優議叙。否則情面是徇。因循如故。致豪強有地而無糧。小民有糧而無地。或被人告發。或本部院別有訪聞。先提里書戶房立行覈究。仍將漏稅豪強。與徇縱有司一併叅處。概置重典。必不令奸貪得計。而使小民負累莫伸也。

民事七 重鄉約

選鄉約

淮揚
漕撫蔡魁吾
錦州人

為慎選鄉約以弘教化事。照得鄉約之設。彷彿古人開師黨正之義。俾其宣化于鄉。以佐政刑之不逮。任

至隆法至善也。上之必年高有德。孝弟力行之賢。次亦必老成無過。端方正直之輩。俾之表率鄉閭。訓迪後進。善者有所與起。而不肖者有所嚴憚。其於化民成俗。良非淺鮮。本部院前在江右。極力舉行。今撫此土。自合加意。乃聞此地鄉約一途。盡失古意。或以衰殘。備數。夙無懿美之稱。或以庸碌。具員。每叢訾議之口。遂致匪人競進。以為榮高。士鄙棄而不屑。良法美意。漸滅盡矣。合行出示改革。為此示仰撫屬各衙門知悉。此後選舉鄉約。必期齒德俱尊。行業無玷。隆以體貌。免其雜差。地方之利病。鄉約得而陳言之一。鄉之善否。鄉約得而舉報之。賢良有司。不特延訪。詢民

疾苦。以便興利除害。本部院巡歷所至。亦將進而問俗。觀風。敷求至理。庶先聖所云。吾觀于鄉而知王道之易易乎。其各實意奉行。毋以虛文塞責。文到各具。遵依回覆。

鐸書示

諭饒屬父老子弟知悉。本部院撫茲江土承

江西巡撫蔡魁吉 錦州人

聖天子仁愛斯民之意。實欲先正俗而後行法。先立教而後明刑。爾饒地素稱詩禮之區。自變亂來。流離凋敝。斯民失其恆產。有之恆心。或亦因之頓晦。牧茲土者。見民之日習于非也。不得不繩以析楊。枉格本部院念此無知之衆。久失教化。深堪哀矜。但不先

發其天良。叮嚀勸戒。遽施以敲扑。民即苟免。避法將益流於詐偽。源未澄而欲清。其流殊非致治之本。則我有司與爾父老均宜分受其過。語有云。蓬生麻中。不扶自直。白沙在泥。不染而黑。民俗之善惡。人心之淳薄。豈不由於薰陶漸漬哉。本部院視事之始。即以行鄉約保甲為兢兢。布告通省。既有日矣。愧力短心長。不能家諭戶曉。所賴良有司體愛民之心。行愛民之政。以匡本部院所不逮。惟爾饒之太守。能懋勉力。行擇立都綱。首舉鄉約。申明六言之旨。更建社講學。與士民覃敷文治。教誨爾之子弟。敦厚爾之族里。此爾饒百姓之幸也。爾百姓試思之。今官府以禮讓教

汝固得優游自如。若以刑法繩汝。汝安所措其手足耶。苟或才頑不格。面從心背。是則教之不政。王章必難輕貸。一陷於罪。惡大者誅殺。小者鞭撻。自罹法網。全家離散。又為衆人之所共棄。求若此之協和仁愛。雍容歌咏。各享其父子妻孥之樂。豈可得乎。爾等務傾心向化。講鄉約。即思行此鄉約。父勸其子。兄勸其弟。尊長勸其卑幼。親朋勸其黨與。期無負上官諄切至意。使人共稱為仁里。為德鄉。本部院採風問俗。必首嘉與此矣。倘鄉約中有能實實化導一方者。該府即以具聞。本部院給扁額旌榮之。如有梗化亂教者。本部院訪知。立為爾地方剪除敗類。決不姑息。

其慎遵毋忽。

民事八

活保甲條論

青州周櫟園諱亮工
巡憲

照得保甲之設。弭盜防奸。原屬急務。近來加以東人藏匿。如鬼如蜮。一失覺察。下則地方隣佑受其株連。上則州縣府道受其泰罰。貽害不小。勢不得不實力舉行。但人情樂于簡便。苦于煩擾。當時陽明王公。舉行此法。猶有謂其擾民無益。幸而州縣不真實奉行。者何。况後人視陽明不啻霄壤。豈不願一味安靜。與民休息。但利害所在。較若觀火。行保甲則官民俱利。不行保甲則官民俱害。再四躊躇。欲求妥當。每見從

活字人
能為奇
手獨稱
確古來
無法不
活皆死
于不善
行法之
手先生
能令死
者復活
詭非醫
國手乎

來奉行此法者。往往不本實心。虛應故事。不過十家
一牌。書寫名姓。官府經過。掛之門首。官過則徹州縣
官並未彙造成冊。即使造冊。亦絕不一。寓日不一。開
心。雖遵奉上行。刊刻成書。徒以供覆。醫既充廢。紙之
用。豈不可惜。甚至經年累月。只此一牌。前不一查。前
不一換。真成故套。本道今行活保甲之法。但以十家
言。經年之中。豈無遷移來去。豈無死亡增添。若不
註詳明。終係格套。今令一一開載。某家自某處移來
某人。向某處移去。某人已經病死。某家增添某人。務
使底裏其知。行踪明白。則奸人自無所容身。而遇有
勾提按冊。了然不得。指鹿為馬。致使李代桃僵矣。至

于取結。不用衙役。止須各里見年。至縣帶投。查點不
遣。佐貳必須印官躬親。簡從無擾。詳載後款。務在安
民。而巴顧州縣。每每不肯力行者。其故有二。有一種
人。真心愛民。以為清查。既明姓名在冊。萬一有東人
干連。則兩隣甲長地方等。無一得免者。不如含糊
糊。猶有展辯出脫之地。此賢者之仁術也。其或不肖
之人。借為騙端。指東那西。拘貧賣富。官府設陷阱。以
害民吏。胥張網羅。而取利小民。何罪一經牽連。有家
破家。有命喪命。窮其禍源。總由保甲不明。故扳引任
意。苟能實實奉行。按冊跟究。則盜賊東人。自難隱
匿。自難容留。即賢者不必用其回護。而不肖者亦無

資治新書卷十三
所肆其貪婪矣。爾等清夜自思，是爲擾民，爲不擾民，是爲安靜，非爲安靜，則本道一番熱腸苦心，亦可見諒于羣僚矣。所有事宜，開具于左。

一定保社長。從來行法，惟貴因民。若保甲之百家，爲保十家，爲甲。此舊例也。各縣村庄不一，所有原設之社長、地方十家長，俱如舊例。或輪克或常克，照舊仍管地方之事。本道不令更翻，但責成比前加重。凡各戶有人作非爲之事，十家長鳴之社長，卽酌量事之大小，如隣里言語不和，小事爭競，如牛馬踐踏地土，參差一切小事，社長十家長可以處分消釋者，卽爲處分消釋，以免兩家爭訟。蓋告狀打官司，極是不好

的事。一到縣中，卽寫狀一事，就用錢起。縣官准了，要見承行，請喫酒，送出牌錢。僉牌出來，就請差人送盤費錢。此原告之用錢也。差人到被告家，索酒飯，索差使錢。若事體畧大些，還說這張牌票，我用多少錢財，從衙內買出來的。我在書房用多少本錢，總差出的，不怕被告不打發。至于打點承行鋪堂，及用刑皂隸之類，一衙門之人，箇箇詐到方得見官。官審之後，還要問罪。打板子，罰紙，罰穀，罰硝磺，罰修城，罰修學，罰修公署。許多名色，都要銀子上納。官司豈是容易打的。若是民風淳厚，各安本分，士農工商，不作非爲，何用保甲。只因不學好的人多，所以設立保甲名色。全

要保申勸誨小民使之相安無事到勸解不開之時
方許報官聽官法處治凡各屬保甲之長俱照舊克
當但本道把保甲長看得極重看得極重纔好把地
方之事責成在他身上爾等原舊做保甲之人當改
心滌慮從頭做起保甲之名雖舊而保甲所行之事
却要鼎新一番

一嚴互結彼此互相保結刻善良者各以類應人自
放心同結稍涉不端人必不敢結不敢結卽以不敢
結之故稟官東人無容身之地好究之事必敗矣然
從來互結就一家所居左右爲兩隣一家有無容隱
匠人取兩隣互結爲憑東家之西卽西家之東但孤

村市尾或有左而無右或有右而無左或並左右皆
無則又格而難行本道今立簡便互結之法凡市集
村落或三五戶共一紙互結或七八戶共一紙互結
結尾方書某等各戶左隣某右隣某缺者止書鄰隣
以便查叙次第但不許過十戶亦不許隔越間斷須
挨家逐戶順去則耳目所及見聞又便爲好爲歹自
不能瞞有無往來人所共見至孤庄獨村或止一二
家者許于相近村隣共爲互結結狀交與地方地方
轉交見年里長繳縣存案候查未到縣之先中間有
不入結者地方明白報縣爲何緣故不敢入結或令
自新或准親族公保令其改過自新此法一行不惟

從前奸宄無容足之地。向後外來之東人亦難再入矣。

一嚴連坐。東人必有窩主。兩隣十家長。地方其連坐之例。法已久行。但常有爲盜窩盜之人。起初未露形迹。地方隣佑人等。偶被遮瞞。悞經互結者。須立一格。許令于互結之後。具詞鳴縣。其呈云。爲報明某事。某等互結狀內。某人近日出入不測。或有面生可疑之人來往。或于某日出往某處。計程幾日當回。至今過期不到。誠恐改行爲非。理合報明等情。此呈遞後。本人犯事。卽與互結人無干。但不許干事犯之日。臨期搪塞。至于出首東人。本道已定賞格。遠近悉知。此外

如有爲盜窩盜等情。其互結之人。有能擒首到官者。審實賞銀十兩。卽以犯盜窩盜之家產充之。如此嚴行。則耳目旣廣。賞罰又嚴。必無以身試法者矣。

一禁騷擾。從來縣行保甲。書房出票。差人下鄉。酒飯之外。另有頭口錢。草料錢。造冊紙。張錢。寫冊工食錢。皆取之地方保長。地方保長。豈有餘錢代賠。勢必歛之各戶。卽不指二科十。亦須倍二倍三。不維出者艱難。斂者亦覺繁瑣。是小民未受保甲之利。先受保甲之害矣。是以中格不行行之。亦病其苦。且于月朔遞結。四鄉地方保長。必有往來之費。該縣查緝逃入盜賊。卽有查緝之費。差人取結。卽有取結之費。今與各

屬印官約本道亦從縣令起家習知縣事凡取各社
各村鄉互結不必差人但以所出牌示交與該地方
該地方交與見年里長見年里長朝夕在鄉催糧不
時赴縣比較即于比較之日順帶結狀投遞各戶小
民不走一里不費一錢故以取結之事責成里長自
無騷擾勒索之弊外鄉互結既到查其次序謄錄成
冊即申府道存縣之冊該縣自發紙價毋累書役累
書役即所以累里民也其中申送府道之冊應該紙價
若干府道自發不累縣官累縣官即所以累里民也
此冊已定則各處村庄地名及百姓兩隣人等之姓
名俱可一目了然此後若有東人犯出督捕行提某

村某庄逃人某窩家某兩隣某十家長某地方某該
縣已先明白及差役往拘不過按圖而索彼有何權
復能生端索詐至于某處報有盜劫亦可按冊先查
察地方之稠密荒涼以揣盜竊情景兼可辨爲土賊
外賊若係別處行劫之賊供報係該縣地方之人者
亦可按冊稽察有無此名冊上無名則係假捏冊上
原有則此人出外何以在結諸人不報使可懲一警
百以杜將來其有查緝東人盜賊勢不得不差人下
鄉者該縣必須嚴行示禁官不護役役自不敢犯法
表正影直百姓受其賜矣

一編軍民軍民原分文武管轄如軍居軍屯民居民

庄自應各立保甲。若以地界相連，或因佃種寄居軍屯之內，有民戶雜處者，則民戶自應隨軍編派。民屯之內，有軍戶雜處者，亦應隨民編派。通行稽查，遇有逃窩盜窩淫賭等項事發，乃分地方責成。蓋保甲之法，止就稽查逃入賊盜淫賭而言，非比僉派差徭徵收錢糧，各有管轄。若軍民分爲兩途，不惟有事之時且相推諉，亦非畫一之法矣。

一禁捷法。十甲之法，其來已舊。今人所以現爲故事者，皆以紳衿富豪，輒求優免，翻來覆去，只查點貧民小戶耳。况窩東窩賊，開賭場，容娼妓，非大有勢力之人，卽窮兇亡賴之徒也。誰敢以身家性命，拚與此輩敵冤家。故立法必自豪右始。或有投克宦戶者，未必不零星外居。此輩在一村卽爲一村之領袖，在一鄉卽爲一鄉之主持。衙蠹結爲腹心，無賴供其指使。每于立法之時，或倡異議，不使挨家順戶爲結。或有不應入結之人，影名藉勢，壓伏隣佑，強之人結。或于既結之後，肆行不法，不容兩隣地方揭報。或已經揭報，至受官府懲創之後，不悔前非，生端報復。此等弊害，一有所犯，許地方指名赴告。官府審實，立斃杖下，斷不容其阻撓梗法，以爲民害。

嚴查奸究示

江寧別駕呂長本

爲嚴飭保甲以靖地方事。照得本廳職司捕務首在

安民。故設立保甲。期于防盜詰奸。正所以安民也。乃官欲安民而爾民不想自安。有盜不防。有奸不詰。甘為燕雀處堂。殆至事發以後始來求救于官。雖欲為焦頭爛額之人亦何及矣。即今地中入所當字舖地方地廣人稠。賢愚雜處。聞有奸徒惡少。類聚醜賭。種種不法。釀禍地方。而該方總甲人等稽查懈怠。既不驅逐。又不報官。夫賭博乃竊盜之階。醜賭即為非之漸。萬一逃人奸宄溷蹟其中。劫盜穿窬。乘機竊發。是誰之咎歟。除一面密差嚴拿外。合行禁飭。為此示仰該地總甲人等知悉。嗣後各宜小心查詰。遇有前項匪人。即赴本廳密稟。以憑拿究。敢有受賄容隱。事發

一併連坐

嚴保甲示

河南李毅可諱上禎
臬憲

奉行不
的至今
古法蒙
究此示
不但有
益于今
亦且有
功于古
盜賊之
起皆為

為保甲良法。貴在實行。詳請憲示。以便清查。以期成效。事竊照保甲之設。所以靖地方而察奸宄。法至善也。乃有盜竊時聞。逃人潛伏。未見保甲公舉何人。指摘何事。其弊壞于印捕各官之未曾實行耳。雖印捕莫不日言保甲。人戶莫不日遵保甲。言保甲者。止于差催鄉長。造冊了事。遵保甲者。止于置立門牌。奉行故事。竟使治世之良法。襲為後世之虛文。茲本司仰奉憲臺清理地方至意。查訪府州縣守令。皆不留心保甲。捕官力微。亦不能行保甲。紳衿貢監之家。不論

再誼富
貴之家
以理論
之當以
大戶為
主編民
附之今
使貧民
為富家
守戶誰
肯甘心
此法以
之所以
不效也

壯丁多寡通不遵查入牌。各衙門衙役匠作。通不遵
查入牌。即間有入牌者。亦通不遵。令守宿。不過一牌
之中。三五赤貧。菜備聽其查照。守宿而已。不思保甲
原是里井守望。共衛身家之策。今富貴之家。既不肯
効力協守。而貧賤之流。又豈能專心禦賊。勞逸不公。
人無銳志。法雖設矣。豈能收効。茲欲實行保甲。必當
委文武各官。公同從頭清查。務使家喻戶曉。照例十
家。仍編為一牌。僻小村庄。街道。就將見在幾戶。編為
一牌。鄉紳舉貢生監。本諱例不入牌。其本戶子弟。奴
僕壯丁。俱入牌。衙役入牌。其家長子弟。奴僕。俱入牌。
兵丁除營房內。聽各營清查外。其雜處民居者。俱入

牌。寺觀僧道。俱入牌。各戶婦女及男子六十以上十
五歲以下。通免入牌。人戶既清。民心鼓舞。稽察防守。
便有根據。嗣後鄉長鼓率甲長。時常教誡。互相查詰。
或甲內有不孝不弟。酗酒賭博。或遵手好閑。不事生
產。習非作耗。及面生可疑。或盜賊遊人等情。甲長隣
佑。即公同舉報。到官查究。倘有通同窩隱。事發一體
連坐。使文武士民。同心固志。互相勸勉。實實力行。賊
盜自無容身。地方漸次寧謐。享無事之福。非淺鮮矣。
專關清查保甲事理。擬合詳請。伏候憲裁批示。茲便
分委清查。仍刊示通行曉諭可也。謹將防守事宜。開
列于後。

一保甲以冊籍為憑。清查明白。印捕官各存一冊。鄉約鄉長社長各處名雖不同。亦存一冊。官及鄉長各自備造。不許偏累保長。仍照例十戶編為一牌。其牌內有搬移去來人戶。房主須先知會甲長。甲長知會鄉長。鄉長即便登記。改正明白。每月初一日。總造一冊送官。照依稽查改正。毋得因循錯亂。隱弊藏奸。查究未便。

一防守務在夜巡靜聽。凡盜賊行劫。皆乘不備。或幾牌之中。酌量地方街道。輪流每夜幾人。週圍傳警。如有賊警。即鳴鑼為號。合村齊集。救護擒拿。毋致漏脫。

一防守須置備器械。匪人自持兵仗。行兇居民豈能徒手禦敵。須每戶各備堅利器械。明註保甲冊內。以便查考。以防不虞。不許虛應故事。

一防守須修整柵欄。禁止夜行。定更之後。即便封鎖。其柵內富貴貧賤一體酌派輪流看守。如有官司及公差往來。看守之人。即細加盤詰。驗有印牌燈火憑據。方許開放。倘有一等兇惡。強闖柵欄。肆行作踐者。報官重究。

一防守如柵欄已設。器械已備。夜巡有人。猶要聯絡救應。總要眾家齊心。倘一家有事。鑼聲所到之處。或鄉長甲長帶領多人。分撥幾路。或防守本村。或飛集救護。或要路埋伏。或暗跟去向。或截賊歸路。有能擒



活賊一名為首者給賞大銀牌一面絲紅一疋給壓
免門面差二年殺賊一名者賞銀牌一面給照免門
差一年倘有大功臨時酌量加賞如隣佑隣村聞聲
不速救護者該地鄉長保長公議作何行罰作何責
備抗違不遵者即稟官拿該地鄉長甲長重責柳號
示儆鄉村地方如遇真賊准放鎗炮此後不許輕易
鳴鑼放炮如遇吉凶事必預先告白隣村方許暫用
民事九 恤商民

禁官價

漕撫蔡魁語 韓士英

為嚴禁官價買物以甦商困事照得官價剝民取用
行戶為官方第一陋規為俗吏最下行徑夫取非其

有名之曰盜凡民稱知自愛者所不屑為也不意位
居民上者偏屑為之夫作朝廷命官而與市井小民
爭競刀錐之末較量尺寸之微其薄于自待固無足
論不幾羞朝廷而辱衣冠之士哉本部院下車之初
即行首先禁革淮陰近地凜凜奉行未有復肆漁獵
者但本部院時行密訪備知維揚一帶此風甚熾不
待緞舖諸商呈訴而始悉其弊也乃緞舖之困苦為
尤甚近時絲價高昂數倍往昔而蟒緞織金等物其
價更復不貲常有官買一物而行戶賠至數金以至
十數餘金者况所用不止一疋所取不止一官商力
幾何其能堪此更可憾者官之谿壑易盈役之饕餮

難厭或假公以濟私或借一而冒十試思出身加民
前程不薄俸薪所入儘足養廉何至因此纖微而買
怨賈害美利則蠹享之惡名則已當之愚而不才未
有若此之甚者也更有不發官票徑行擅取真假難
辨多寡無憑不發則恐或逢官怒發之則疑白被役
侵此中奸弊更無窮極至於公館鋪設奉旨禁葺
是何衙門敢復巧取以上種種貪暴陋規合行禁飭
爲此示仰各該衙門官吏人等知悉此後一切日用
諸物俱照民間時價公平交易敢有復持一票復遣
一差有所取用或致錢少以至假鋪設借用等名色
及無票口取等項許諸受害舖戶或赴本部院告理
或扭稟所在官司以憑轉報施行官泰役處決不姑
貸

恤商民

陝西賈膠侯諱漢復山西人

爲嚴禁科累行戶以恤商民事照得士人一行作吏
食祿于官卽宜吾鼎自愛勿競刀錐之末勿效市井
之爲非特大體宜然卽此規模之大小規其品行之
高卑與前程之遠近從未有見小利而能成大事者
也本部院歷任中外剔歷有年從未知以官票索取
一物此遠近行戶所共知自入秦疆以來凡日用米
麵蔬薪等項登註紅簿現給紋值較之平價寧浮無
短且素性澹泊不以口腹累人所用一切器皿俱從

儉約幾與太古同風。本部院躬行若此。凡爾共事諸員。應有同志。乃近訪撫屬各衙門。頗尙奢靡。不崇節儉。且其慷慨自奉者。又多不費。已囊強半出于民力。動發官票擾民。濫用行戶支應。舞文胥役。指少派多。畏法閭閻。將無作有。及至遷延歲月之久。所發價值多與。蠹役中分。甚至有候領無期。分文不給者。復有換換潮銀。鉛多錫少。名爲全給。而實不得其半者。種種情實。實難枚舉。是何異于禦人國門之外者乎。獨不思商民挾持資本。背井離鄉。不過冀覓蠅頭小利。豈意終年奔走。祇爲貪污作馬牛。名爲官取實同盜劫。興言及此。殊覺痛心。合行嚴飭。爲此示仰撫屬六

小各衙門知悉。嗣後務宜洗滌滌胃。革舊從新。勿爲壟斷之渠。魁勿作商民之大盜。勿取他人之物。而自鳴慷慨。勿以口腹之累。而致悞功名。凡日用諸物。俱照本部院所發足色紋銀。照依時價平買。不許仍立行戶官價等名色。擅出殊票。虧短價值。倘有仍前見小昧大。陽奉陰違者。商民有口。斷難掩飾。本部院一有見聞。輒登白簡。功令森嚴。勿以身家嘗試可也。

除行戶

漢中 譚王孫 司李 曾道扶 嘉興人

爲嚴除行戶。請憲勒石永禁。以甦殘黎事。竊照秦地貧苦。民生嘔隘。由來舊矣。漢南困阨。較他屬爲尤甚。經兵燹者。凡四五次。供芻糧者。幾二十年。筋力已盡。



流移接踵皮骨僅存呼號無路今者重兵南徙休息
可期力農作苦已安耕田鑿井之常而市井閭閻反
有日衰之勢則以行戶之累未除也夫行戶之所苦
者一曰取用二曰借用取用者空票支取另立官價
候領無期兼多扣除卽能給發不及什五借用者齋
物伺候既稽時日及至領歸遺失更多此亦補償不
過口惠甚至四境不產者逼其轉買登臨難至者督
其搬運行商失業坐賈破家家愁巷戚比比而是所
由然者蓋緣兵興以來供應稠疊相沿成習勢不能
禁今漢中文武大小衙門不及十處咸荷地方之責
均有恤民之心顧此殘黎呻吟未息誠不忍以行戶

重累小民况煌煌憲禁凜遵已久但及今不更加申
飭昭示來茲則從前積弊恐絕而復續今據某等連
名呈請本廳竊謂官之于民猶父母之于子子方顛
連爲父母者必求所以安全之不能安全而反加困
苦安用此父母者爲今漢中之民亦極顛連矣裁革
行戶誠安全之一端也請自今以後文武大小各衙
門一切服食器具俱令現銀平價易買不許另立官
價短少時值至公私宴會俱自辦用不許着行戶安
置鋪設及借用各項等物其行戶名色一概革除如
有仍蹈前弊者或係訪聞或經告發許不時揭報立
賜參處仍乞嚴飭漢中各屬勒石永禁則關南赤子

有更生之望矣。

諭行戶

甘肅 巡撫 劉耀徽 寶定人

為申飭行價。以甦商困事。照得本院撫綏兩河。駐節涼城。無論商是民。皆吾赤子。自下車以來。目擊地方窮苦。時時軫恤在懷。期登豐裕。近察得本院衙門。一應買辦簿內。取用各物。雖見發銀兩。毫不虧欠。其間開註價銀。俱較時值短少。循倣從前陋規。名曰官價。但貨物消長不定。價自隨時低昂。豈可官買一價。而民買又一價也。况爾等商賈。資本微薄。經年累月。跋涉艱辛。所獲蠅利。能有幾何。而可堪此賠累乎。合行出示申飭。為示仰。各行戶人等知悉。自後凡本部

院衙門一應簿內註買各物。俱依時值市價。于所買物件之下。許行戶親筆開註銀錢若干。以便如數給發。如有買辦人役。執筆硬項。乘機冒破。以至多開少給。扣剋肥己者。查出定行重處不貸。

諭行戶

鞏昌 太守 白九峯 諱山西人

本縣下車一月。商賈浸浸乎日來街市。收寂為喧。貨物從無而有。頗為邑人稱慶。但恐衙官不能久守吾禁。又恐買辦各役私賒私騙。勢必復驅而去之。故再示行戶。凡有此項不時喊稟。拏究不貸。

懸鑼察弊事

衡州 司李 王望如 諱江寧人

為申明嚴禁濫取行戶事。照得撫部軫念行戶。嚴禁

濫取已經大張曉諭。又命本廳刊刻小票分給各舖懸掛于門。法至善也。豈期衙門吏胥奉公守法者雖多。而陽奉陰違者不少。嗟此商賈其何以堪。堂堂憲示等干弁髦成何法紀。今本廳專爲此事特于大堂之外設有銅鑼一面。爾行戶人等遇有各衙門人役擅取物件者。卽刻赴廳鳴鑼。隨將各役申解。撫部輕則懲處本役。重則題參本官。特示。

民事十飭土豪

禁飭土豪

顧易 張壺陽 高平人 巡憲

爲嚴禁土豪。以安良善事。照得地方大害。除貪官汚吏之外。卽屬地棍土豪。蓋因此輩奸徒。雖立衙門之外。實能陰竊官吏之權。巧逢貪汚之意。伺其陷好之所在。或以急公奉上爲名。或以頌德建碑爲餌。浚良民之膏血。獻若輩之慇懃。官吏一墮術中。小民難逃網外。由此而武斷鄉曲。以肆咆哮。橫行城市。以鳴無懼。小則起詞滅訟。操縱得以自如。大則窩囊賣訪。身家在其掌握。小民含冤而不敢訴。卽經控告而線索有靈。未有不引火自焚。而注水加溺者。故此輩一日不除。良民一日不能安業。本道奉三尺撫循。茲土豺狼固所當除。而狐狸亦須急問。爲此示仰道屬士民人等知悉。凡有前項兇徒。怙惡不悛。仍前作威作福。殘害善良者。許被害人等。不時抱牌控告。以憑盡法。

重處。倘該管有司不能覺察。而揭報于前。以致被人告發。而審實于後者。即為若輩穿鼻之人。定以養惡縱奸一併揭究。各宜猛省。勿致自誤。

民事十一 庶務

嚴禁違

旨背律等事

青州 巡憲 周 揆 園 詳 荷 亮 公

照得典舖之設。原即有無相通。緩急相濟之遺意。為法甚善。本道宦轍所至。閱歷頗多。大約大典取利。不過分半。及二分而止。即小當亦利不過三分。贖必按月。滿月之後。再踰五日。方作兩月算。即踰四日。乃算一月。此天下之通例也。獨爾青州不然。利則四分。以至六七分。甚有至八分者。更于票上不寫月息若干。以便恣意橫索。及于取贖之期限。更為迫促。辟如此。

月二十五日來當。至下月初五來贖。不過十日耳。輒以前月之五日作一月。復以後月之五日作一月。十日之內。而收人兩月利錢。又皆八分起息。此較明火執仗劫掠取財者。豈有兩樣。爾等試思。爾雖富足。豈能常富人。雖貧窮。未必常窮。何不趁此家計殷實。做些好事。貽爾子孫。何故貪取一時重利。致取眾怨。令人敢怒而不敢言。爾看世上做經商買賣之人。那箇不起早睡晚。登山涉水。衝寒冒暑。既憂消折。復畏盜賊。但得三分利息。安穩到家。即父子妻孥。舉家歡慶矣。獨爾等不須奔走道路。不必拋棄眷屬。不必侵犯。



霜露不受意外驚恐。不憂絲毫折耗。安安穩穩高坐。在家收享成利。已是萬分得計。何苦更作此利已損人之事。爾看苛取重利之典。舖後來子孫幾箇得昌盛的。况放債取利。不許過三分。久奉嚴旨申飭。而大清律內開載。凡典當財物。每月取利。並不得過三分。重者坐贓論罪。誰敢不遵。自干法網。爾輩之得以藉口者。有二。曰辦納。國課也。曰答應官府也。爾等試思。國課幾何。每年不過五兩耳。凡開當舖者。多則盈萬。少則數千。今以五兩交國課。以三分起息。計之不過費爾十五兩本錢之利耳。于爾何損。辟如買田一頃。所收不過百石。祁寒暑雨。男耕女饁。受

恐亦未必官如此

盡多少辛勤。自交納錢糧而外。所存有幾。一遇水旱。卽顆粒無收。誰敢不變產完課。試與爾輩較之。誰逸誰勞。誰豐誰嗇。至于答應官府。從前陋規。原可痛恨。然未必官官如此。本道自下車以來。一年有餘。曾取當舖中一絲一紵。否曾借用當舖中一件什物。否本道既自審無愧。便可推已及人。我今爲爾等嚴禁。所屬不許沿習舊規。取用一物。仍請之兩臺。勒石永禁。則爾輩可以無累。亦不得藉口累人矣。乃又有一事。不便于爾輩者。曰當錢。錢價自有一定。無奈奸民。往往變幻低昂。假如當出去時。時價一兩一串。及取贖時。奸民或低爲八錢一串。或七錢一串。取贖之時。錢

數既不便加增。錢本遂不免虧損。此爾輩之所以通盤打算。借重利以補微耗也。今亦爲爾等立法。凡當錢時。卽于票上寫明照時值銀若干。俟來贖時。但照出當之原價。不照取贖之時值。則此項虧損之病去矣。爾輩既除其害。復去其病。便當取出良心。各做公道生涯。勿作欺天勾當。自出示之後。止許三分起息。不得加增毫釐。按日計月。不得任意那償。本道不時採訪。如有不遵。立拿重究。決不姑貸。其有見示之後。收舖不開。或虛開舖面。以無銀可當爲辭者。此等皆係奸徒。本道不時訪出一體懲究。其已前當過之物。自今日以後來贖者。亦只許索三分之利。不許多索。

分交總之本道。身在地方。富民貧民。皆吾赤子。豈忍偏枯。興利除害。出自本心。豈容姑息。爾輩若欲享利。先須避害。急急警醒。勿貽後悔。

禁違例放債

關西李含馨講月桂守憲

照得鳳屬兵燹之餘。百姓豈能家給人足。借債放債。情出通融。于理亦無妨害。然銀一兩。爲利不過三分。穀一石。爲利不過三升。要使與者受者。各得其平。斯爲天理良心之至當。本道下車以來。訪得有等貪詐之徒。借放債爲名。而遂其魚肉鄉民之實。加一加二。利上盤利。年終合算。數倍有餘。是子大于母。而指浮于臂矣。有是理乎。窮民無力償還。卽折其子女。準其

房產豈止惡浮於虎狼亦且行同于賊盜爾等試思放債圖利無非為身家子孫計耳如此忍心害理刻剝成家他日子孫豈能常享其福本道意在易俗移風不得不先為告誡合行出示禁諭為此示仰一切軍民人等知悉以後借債放債止以三分起息為準放者不得苛索于外借者不得虧損于中如有貪怙不悛仍蹈前轍者一經告發罪有所歸要知貪即致貧之由而利乃叢害之數也慎之誠之

民事補

蠲豁亡丁示

為編審事為照編審人丁計口出賦未有不求是額

江西巡撫 蔡魁 吾 諱士英 錦州人

者本部院念江省編戶登遭兵燹鋒鏑逃亡約去過半目擊心傷不忍以缺額之丁口重累見在之子遺代為賠納故據缺扣減特疏為爾百姓請命業蒙內部議覆 皇上洪恩俞允照數蠲豁計免通省男婦共五十九萬四千九百有零除經行令藩司轉行所屬遵照外合再出示曉諭為此示仰士民人等知悉凡前所報逃亡老弱丁口俱各遵奉 恩豁扣徵錢糧以廣 皇恩浩蕩毋負本部院矜恤至意敢有好胥豪里不為除筭槩行混徵者許諸色人等據實指名首告以憑拿究不貸

斬放火克犯後曉諭軍事 江南 陳司貞 諱秉直 海城人

此三十
年來江
南第一
快事非
公不能
為之

為曉諭事。照得康熙十年五六月間。二戶長龔二等
身帶火器。乘機放火。燒燬居民房屋。希圖搶劫資財。
當獲審實。定擬斬罪。詳院具題。部覆奉旨。依擬監
候在案。值今秋審。因其情罪重大。本司會詳應決。蒙
督撫部院會題奉旨。准到部咨。于本月二十一日
牌行到司。隨行該府將龔二左大王二等押赴市曹
處斬。訖查刑人于市與眾共乘。理合示知。為此示仰
軍民諸色人等知悉。奸宄伏誅。諒輿情之共快。羣兇
駢首。昭國法之無私。從此惡人胆落。務宜革面革
心。良善安生。永保無咎無災之福矣。特示

禁搶火示

江南陳司貞
海城人

江寧火
災不過
偶然一
發公尚
軫念貧
生持此
矧稅城
為風火
不絕之
鄉公又
處得為
之地乎
救民水
火之中
吾知不
遺餘力
矣

為嚴禁藉火搶奪以昭國法事。照得居民失火。本
係天災。當此之時。烈焰飛騰。心胆碎裂。屋既付之灰
燼。所有衣囊什物。尙可搬移。寄頓留資。一線餘生。是
以倉皇失措。取東棄西。顧此忘彼。此等急狀。苦情。本
司無不深悉。乃有一等極惡奸徒。非但不肯救援。又
且幸災樂禍。乘機奪搶。如此巨惡。蛇蝎為心。比盜猶
甚。合行嚴禁。為此示仰百姓人等知悉。嗣後設有火
災。本司即令南北二捕官。及上江二縣。親行督救。四
圍巡視。使爾百姓從容搬運。如有前項奸徒。乘機搶
奪者。當即立拿。追究。以放火搶劫之大辟罪之。龔二
左大等榜樣。具在駢斬于市。共睹。共聞。非止空言。恐

資台新書二集卷十三

嚇而已也。爾百姓亦宜協方擒拿無使免脫特示。

誠諭出洋愚民示

江南陳司貞諱秉直海城人

為愚民射利出洋貪癡懼法曉諭喚醒事照得爾商民持本貿易離鄉背井棄父母拋妻子止不過為肥家計耳然何地不可往來何省不可貿易而必欲冒險出洋甘心罹法乎且人窮通有命不可強求如命運亨通雖本少貨微就近興販一朝湊遇亦能發積如命運不通雖百計營求非遭風覆舟即遇盜被劫何况違禁偷渡乘舟于外洋大海之中一旦被獲自蹈于傾家頃命之罪乎本司蒞任方及一載而審閱洋犯不下數起其中雖有被誣妄拿之家而人貨兩

獲者如俞黑子方景之張老五楊子元唐大秦元等審勘之時亦有本省愚民亦有各省貪賈皆係貪喫亡命之徒代為爾等思之厚利既不能獲而身首喪于異鄉父母妻子今生不能團聚仍將家財查沒入官甚為汝等追悔甚為汝等憐惜然不司雖有惻然之心其如國法森嚴不能為汝等寬宥惟有勸勉喚醒以杜將來毋致愚民再罹重法為此示仰百姓商賈人等知悉務須仰遵本司苦口之言各安本分生理不得貪癡妄作再想出洋以致身家莫保云云猛醒猛醒須至示者

靈隱禁約示

錢塘深泊湄諱允植真定人

照得靈隱寺肇自赤烏之歲雙樹依然傳來白社之
宗。五花相繼。化城不遠。轉金粟于閻浮。驚嶺非遙。遍
璇宮于法界。此誠清淨道場。自合莊嚴整肅。近聞有
等寺房。緇流不思五戒。時犯六條。逐逐檀欄。妄希佛
面之金。耽耽善信。不飽如來之粟。雖累蒙憲禁。仍借
募化名色。混擾大殿。不思沿門乞食。祇堪舍衛城中。
徧地鋪金。只合給孤園裏。和尙之沾泥帶絮。莫此爲
癡。法席之托鉢掛瓢。方之較甚。除現奉署臬憲糧道
劉嚴飭外。爲此合再示仰本寺方丈勒石永禁。如有
前項僧徒貪心不改。更亂清規。許禪堂住持指名起
稟。以憑拿解。各憲究治。驅逐不貸。

資治新書二集卷之十四目次

告示部

荒政一 救災

捕蝗示

僱船救難民

荒政二 賑飢

賑粥示

賑養難民事

諭瓊州兵民

荒政三 禁疏海口

禁別省奸民販賣人口

荒政四 禁販人口

擬作

捕虎示

王介公

姚繼菴

寒月賑貧示

徐德夫

高寓公

分別周給等事

林武陵

盧山斗

盧山斗

保恤災黎示

佟壽民

禁買饑民子女

姚繼菴

荒政五 勸周貧佃

荒政第一示

顧南樓

荒政六 禁索私債

救荒第二示

顧南樓

荒政七 祈晴禱雨

祈雨示

姚繼菴

荒政八 勸民修省弭災

祈求雨澤示

勸諭士民齋戒

顧南樓

風俗一 禁尙奢靡

禁娼館

周文夏

風俗二 禁止遊觀

網羅雨事

胡肇綸

風俗三 禁尙邪教

禁妖僧邪教

吳蛟木

風俗四 禁賭博

禁賭博示

李含馨

風俗五 誠輕生

立法勸諭等事

俞視如

風俗六 勸埋柩

勸募掩骼瘞骼

黃鵠駿

風俗七 禁質女

禁典妻女

姚繼菴

風俗八 禁錮婢

續台新書二集卷十四目

禁止錮婢不婚等事

羅鏡菴

風俗九 禁造訛言

諭惠潮二屬

李包閣

風俗十 禁屠牛犬

通行各屬牌

嚴禁私宰

嚴禁宰牛

告示

禁宰耕牛

禁剪竊示

禁持婚喪

禁喇棍叫好

禁破張勒詐

禁置棍打降

資治新書二集卷之十四

湖上笠翁李 漁菟輯

婿沈心友_因訂

荒政一 救災

捕蝗示

擬作

照得本府居官不職。致令蝗旱為災。除齋沐虔禱。作文以告上帝。求速賜異常時雨。陰辟蟲患。外今查往古載籍。但遇蝗蝻為祟。祈禱不滅。即行捕除。本府切禱鬼神。已經半月。不見其少。反覺滋多。是蝗神不忍自滅其種。而欲假手于人也。已經申請各上臺。准以常平義倉所貯米麥。散為捕蝗之資。許爾民不論男婦長幼。有能捕蝗一斗者。給糧一升。是以賑饑恤貧。

之意。即寓于救災捍患之中。既為爾民除害。復為爾民療饑。想亦人人樂從而奔趨恐後者也。今將捕蝗法則條列于左。其各遵行無忽。

計開

一蝗在麥田禾稼深草中者。每日侵晨盡聚草稍食露體重不能飛躍。宜用符箕掃帚之類。左右抄掠。傾入布袋。或或燒或澆以沸湯。或掘坑焚火。傾入其中。若只燧埋隔宿。多能穴地而出。不可不知。
一蝗最難死。初生如蟻之時。若用竹木器攻擊。非惟不斃。且易損田禾。莫若用舊皮鞋底。或草鞋舊鞋之類。踏地掘搭。即應手而斃。且皮底為物狹小。不損苗。

稼

一蝗有在平地者。即于曠野掘坑。宜長宜闊。兩旁用板及門扇接連。八字鋪擺。眾人手執木枝。發賊趕逐。驅之入坑。又於對坑用掃帚十數把。俟有跳躍而上者。復掃之使下。覆以乾草。發火焚之。先燃烈火於坑。然後趕入。詩經所謂秉畀炎火是也。古人亦知瘞埋。可以復出。故以火治之事。不師古。鮮克有濟。誠哉是言。

捕虎示

福建 王介公 濟南人

照得某縣狼虎甚多。各處傷人。深可憫恤。村民不肯撲滅。皆因營弁衙役交相勒索。取皮骨等項。使民畏人。



甚於畏虎。任其流毒。歛手坐視。合行嚴禁。為此稟仰
本縣官吏。文到即便曉諭百姓。遇有虎狼。務要奮勇
撲滅。如有營弁衙役。勒索皮骨者。許捉虎之人。起道
陳告。定行申究。

僱船救難民

和州王憲章 諱執中 廣寧人

王君一
州佐耳
聞其風
裁異常
不長強
御其能

為捐俸買舟。急救難民事。照得洪水為災。民房漂沒
此係非常天變。本廳正切杞人之憂。恐巨浸之為害
當不止于此也。頃聞地方報呈。知片刻之間。水長數
尺。城外男婦小兒。現有漂去無踪者。則轉瞬之間。又
不知作何狀矣。遇此非常大難。而不急為援手。何以
官為。但思救民水中。必需船隻。船隻若待出票。僅拿

判事如
神民皆
誰領乎
揭此示
示大見
服官無
論大小
但有善
政印傳

勢必遷延。時刻待船。隻拿齊之後。民已溺死無算矣。
今本廳除捐俸之外。復典衣裘。換得制錢若干萬。照
民價僱募。不減分文。爾船戶人等有願得現錢兼做
好事者。速來領價。如飛往救難民。務須盡心竭力。放
出生平手段。來救活一人。爾有一分陰功。勿作尋常
生意。做如有衙役人等。當堂給發現錢。背後索分使
用者。許爾等大聲喊稟。以憑重究。不貸。

荒政一 賑饑

賑粥示

瓊州姚綏菴 諱士升 江陵人

上失其道。黎民阻饑。不但米石。至金。即今榔榔各樹
尖芽。摘食殆盡。嗟我瓊民。其何能予遺耶。此皆牧民
官台所督。一集卷十四

者之罪也。本廳力請于上，多方募助，得米若干石，可
克二千人。兩月有半之粥。自今日始，設廠晏公廟傍，
前後置密棚，棚內廚房六間，官蓬三間，沿棚置鹿角
欄杆兩蓬，周匝欄內置大水缸數十口，盛粥欄外站
立饑民，欄上雜置鹽菜等物。先一日，本廳親自驗米，
給做工人。次日黎明煮粥，辰刻擊鑼一回。本廳到廠，
饑民齊集廟前，本廳親驗。其中有瞽者、跛者、病者、老
不能健行者，皆坐廟外。本廳親督各役，先給四項人，
各粥二升，鉢具官備。少壯男女皆進廟中，四項去訖，
擊鑼二回。本廳親詣廟前，點名給籤。先女後男人持
一籤。本廳復回廠中，手執瓢杓，督同各役隔欄給粥。

數項內
無大不
該無微
不悉使
公得宰
天下有
如是粥

人各二升。小兒懷抱各給一升。鉢具官備。籤盡照前
再散鹽菜，任意取食。散訖，擊鑼三回。本廳歸署。本廳
每日初到，謁神四拜，向饑民八叩首，散訖再向饑民
八叩首，以謝不職之愆也。廟內多焚蒼朮，防疫氣也。
先散老癯，罷疾懼擠，跌也。做工人即用饑民食力便
也。自本廳下至門，皂與夫皆不許別帶飲食，即同用
水缸內剩粥，期潔淨不致米糙污穢也。小兒懷抱人
給一升，彼利在粥，不鬻子也。有餘方給獄囚，先無罪
後有罪也。凡生員、醫少婦、處女，一次後，即逐日照粥。
給米不令再赴廠，尊斯文，養廉恥，不欲以一日之饑
屑衣冠之體，決內外之防也。嚴禁兵丁及商旅閒人
貧台折書二集卷十四

到此纔
完賑事
具見實
心
從來罪
已多屬
膚言此
獨披肝
瀝髓

不許入。厥慮其誘我饑民。嚮子女使此離也。在遠未
 卽至者。分差各役持米迎之。在途未卽到者。持粥迎
 之。願守家者。量給米付之。其孀于道路與斃于室隅
 者。庶幾寡矣。麥秋將至。量道里遠近。各分米作路食。
 遣之行百里者。半九十兩月之粥。不能達數日之程。
 猶之乎未生也。吁嗟乎。爲人上者。先之不能變。理災
 疹。俾無水旱饑饉。次之不能薄歛。省徑使民。婦子相
 養。迺至無食。顛連携扶。老弱奔走。道路沾糜糊。腹拋
 面。澁甲千百爲群。擁擠踏側。爲人上者。自顧清夜。何
 以爲心。雖使兩月有餘。同飽缸中之粥。共噉欄頭之
 鹽。爲人上者。亦愧死矣。尙何顏以對此千百之饑民。

設爾饑民姑相與寬此賑厥一官。俾汗顏而終此事
 則幸之幸也。謹示。

寒月賑貧示

江寧徐德夫諱必達 嘉興人

爲查賑貧民事。照得本府每出街衢。見有殘疾男婦。
 呼天乞食。當此寒月。意甚憐之。又有一種蘊縷之人。
 並無殘疾。原是漢子。儘可營生。作活而甘心。爲此等
 乞憐之人。此時甘爲乞憐之人。將來必做不良之事。
 又聞有等強硬花子。結幫成羣。動向開店人家。賴錢
 勒索。此卽強盜之流亞也。本府叨爲人牧。無告者不
 忍無賴者。難恕。已經行令上元縣。至簿逐坊。備查攢
 造花名到府。除原係飯堂食糧者。既沾皇恩。誼無重

賑聽其乞食姑不禁治其無疾漢子不務生理不足
憫恤亦不賑外止有無賴殘疾貧民本府雖當新任
設處最難而親見其苦安忍坐視偶江寧縣解到俸
給倉米似可暫借以待異日設法補還除一面行文
着令堆放寬厥處所外爲此示仰後開貧民俱限某
日午時各携小袋齊集貢院內聽候本府親臨給賑
聊過寒月其無名者不許混擾如有前項撒賴奸徒
處于丐盜之間者許被害扭赴本府從重責治

賑養難民示

寶坻縣令高寓公諱承死

照得本縣屢次往劫敵營救出难民難婦若干名口
除屬境內者俱給帖發歸本里外其在別府州縣及

山東府屬者必俟敵退解嚴津溢無阻始可遣發還
鄉昨已安插空房寺院等處諭令暫停今恐天氣漸
暑鬱蒸致疾不但預籌賑養之資兼爲曲助災疫之
計行兼而有之殆是薛而聖賢者矣先令食粥三日然後煮飯蒸恐久饑之人反以驟
飽致疾也其煮粥煮飯煮菜悉取舊鍋脩用萬一不
足卽將新鍋向民間換取舊者若以未經炊爨之鍋
煮粥脩賑饑民食之未有不立斃者人命重大小衙
門值事人等悉體本縣好生之意恪恭辦事勿以草
率懶惰而害生民其有染疾抱患者卽報本縣以便
撥醫給藥調治總期爲人爲徹必至生還而後已也

分別周急以彰優禮事

泰安林武陵諱杭學



照得告賑諸生。螢燈苦志。雪案埋頭。子夜青燈。會見
絕編研露。丁年黃卷。未獲衣錦。梯雲。既無負郭之田。
難免懸鶉之結。雖斷蠶畫。粥菜羹。滋味堪嘗。而雀食
鼠。恨袖底清風。難買當茲歲歉。兼值年終。恒念床頭
金盡。壯士無顏。詎不瓶之罄矣。室人交謫。本縣優禮
斯文。觸處動念。豈當賑濟。便尔慳予。自後諸生不必
同饑民領穀。但赴儒學報名。以憑照冊發賑。務與齊
民有別。蓋雞鶴原不同羣。鴛鴦豈容共棧。今汲西江
以活鮒。庶使點額之顏。不淪菜色。後破巨浪。以駕鯨
幸將剝膚之痛。轉念荅華。特示

荒政三 疏海禁

論瓊州兵民

廣東總督 盧山斗 諱崇峻 遼東人

為便宜救荒以全一郡生靈事。照得粵東自禁海之
後。商販船隻久矣不通。功令如此。誰敢隕越。但今
瓊州一府。孤懸海外。去歲連遭颶風。霽雨禾苗豆黍
盡皆漂沒。民不聊生。又以海禁森嚴。不敢出疆告糴。
合郡兵民向則嗷嗷待哺。今且懔懔待斃矣。該地鎮
道等官各以時事可危。紛紛代為請命。又且情詞迫
切。非曰且夕不能苟延。卽曰死亡今已。叠見本部院
批閱至此。不覺寒心。兵民饑困若是。而不早為區處。
直待臨危告急。非地方文武之過。而誰過歟。當斯時
也。倘束手于禁海之功。令坐視萬姓之危亡。為民上

事與汲長孺同而漢文少此中一節快揚文非缺典

精忠卓識並絕千古謂盧山斗先生不與汲長孺並傳者吾不信也

者固不當有此忍心害理之事即使飛章入告請與疏通而粵東去京八千餘里若非經時纍月豈能獲見綸音竊恐候至彼時雖有救荒之粟民不得而食之矣然而航海有禁實盜可憂未經請旨而遽為開糴矯詔之罪萬萬難逃是兵民安則本部院危本部院安則兵民危矣與其危數十萬之生命時削邦本之可憂不若危本部院一人明示國法之為得也昨已會同巡撫提督從長計議幸與本部院綽有同心今許尔等于瓊州界內航海而來本部院給與批文向米價稍平之處通行告糴但須該鎮道估計人口自某月某日為始筭到新穀登塲之日為

止約用糧米若干石無使不足亦勿令有餘填定數目具由前來方准照數收買數外不許濫濫買完之日仍將船隻編定號數委約當官兵押送過海該鎮道照數點收查無缺少船隻方與兵民領去如有假借救饑名色將米糧運出界外接濟賊航者查訪得實該地兵民與護送官兵及船戶水手人等不分首從一例處斬今本部院一面開糴一面具疏上聞自陳愚鹵擅便之罪靜候

皇 皇

上處分矣昔汲黯矯制開倉見亮于漢之武帝今本部院才術短淺雖出汲黯之下而我上仁慈愷悌則更出漢武帝上或者幸叨 恩宥亦

資治新書二集
未可知。尔兵民人等各遂所天。無為本部院過慮。可也。特示。

荒政四 禁販人口

禁別省奸民販買人口

廣東盧山斗 詳崇峻
總督 遼東人

為嚴禁販賣人口以圖生聚事。照得粵東一省自海氛不靖以來。父子流離。夫妻折散者不可勝數。其間有通海窩賊。自陷身家。以致官兵搜勦。捕獲入官者。此等孽由自作。無可矜憐。外此則饑寒自鬻者有之。營債逼售者有之。錢糧迫棄者有之。詞訟陷賣者有之。近又為遷海失業。無計資生。以致夫賣其妻。父鬻其女。棄骨肉以延殘喘。忍耻辱而救夫親者。其顛連困苦之情。尤可憫惻。然使以粵東婦女。仍賣粵東。此時雖暫拋離。猶望于不極。泰來之後。或有珠還鏡合之時。即使不能。尚可希圖見面。不致音蕪。難聞一入于販賣奸徒之手。則天南地北。任其所之。況有貪圖重價。逼賣為娼。而婦女忍辱不甘。以致投河自縊者。比比而是。是女子越境。即為生死榮辱之關。凡有保民之責者。不可不加嚴而致慎也。况關隘稽查不密。即多拐騙之徒。地方盤詰失嚴。必來窩匿之輩。是官長不究。與販即招拐招騙之媒也。合行揭示。曉諭為。此示仰督屬文武職官暨紳衿兵民人等知悉。以後凡有別省奸徒潛匿境內。奴買婦女人口。及本省地

棍代作牽頭。希圖勾引出界者。許諸色人等。稽訪得實。密報所在官司。擒拿重究。將婦女給還賣主。若能緝獲真正拐賊一名。送官審實者。官給賞銀十兩。仍令親屬謝銀五兩。拐賊立斃杖下。若係果爲饑寒所迫。情愿變賣糊口者。許將賣契送官。候其驗實用印方准過門。收養。然亦止許賣在本省。不許攜帶出境。如無印照而私行貿易及帶婦女出疆者。卽係來歷不明。許親屬及捕役人等。擒拿首告。所在官司。務行重處。本部院欲使離散之民復圖生聚。故爲計念。及此官民人等。俱各遵行毋忽。

保郵災黎示

江南
終壽民
廣寧人

爲特飭保郵災黎。以重民命事。照得天災流行。無代不有。雖關氣數。然恃地方官實心保護。庶幾得望生全本司。從前歷任。自州牧而郡守。所在亦時以災荒見告。無不率先勸賑。安插流移。日以此爲經營。真有視民饑傷。如已饑傷之念。卽今蒞任。吳藩凡聞每處災荒。卽便捐銀捐米。倡濟與夫每年發賑監倉。收葬屍骸。借設藥局。凡諸關切民命之事。靡不急急爲之。特是額俸有限。恒苦不能遍施。而又以身司督催外。省本省協餉兵餉。俱關緊急軍需。不敢稍事姑息。近據所屬蘇松淮揚徐地方。紛紛瀝陳水災不已。旣而淮徐等處。復又慘罹地震水決。種種奇凶。民之饑而

資治新書二集卷十四
災漂沒覆壓而歿者或見之繪圖或得諸目擊種種
流離慘傷殊切除一面捐發俸銀就近于蘇屬羅買
米麥裝運各府州分發賑濟外第思饑民孔多一餐
之惠難于遍及不若該地方官共推本司軫恤之心
交相勸告以成善舉如紳宦可以勸助當不惜爲募
緣商民願于捐輸當不吝其獎勵倉穀現有積貯一
面動賑一面造冊報銷俊秀有力援納一面收濟一
面取結詳送以至房屋漂流之戶或構草搭厰可以
暫棲水流沉溺之屍或義塚荒坵可以收掩使民之
生者得以幸存歿者得以歸土如是則散者復聚何
難變荒土爲樂郊至于凡在地方一切省民財惜民

力之事誠得有司在在留心其爲不費之惠當止無
窮也獨是地丁錢糧今卽以十分災荒入告定例
止蠲三分餘七分尙在應徵有司查將寔寔被災花
戶目下卽與炤例停免不得仍行催追以致復驚逃
徙其有原係殷厚向來收租辦糧之戶今歲卽罹重
灾容有上年餘蓄仍卽多方勸諭若其巫公好義措
辦完糧該縣卽與備造花名文冊申送本司卽不憚
轉請各臺特加優獎以示鼓勵合卽出示通飭爲此
示仰麻州縣官吏查炤飭行事理卽將該地方被災
被傷民人多方率屬勸募賑濟并有無倉穀可以動
賑有無俊秀願甘援納仍將無棲止者設法安插暴

屍骸者酌地掩埋。難民錢糧卹與炤例停免。急公好義者加意勸輸。上不悞。軍國下不病。民生全在爾。地方官寔寔奉行。本司一面察訪。如果無卹有方。安插得所。勸捐勸輸。恩義兼至者。立卽明列愛民實政。以卓異保舉。揭薦各臺。特疏。題請。如不關心民瘼。及奉催提緊餉。惟圖藉口。卸責。大司定將膜視民命。玩違職名。密揭開報。勸懲具在。其各慎思無忽。

荒政五 勸周貧佃

救荒第二示

六合 顧南樓 諱尙嘉 縣尹 秀水人

爲勸週貧佃以固本業事照得田主之與佃戶相依爲命者也。歲豐則均享其利。歲歉則並罹其殃。然豐

歲多而歉歲少。惟賴有無相通。患難相恤。故雖遇凶年。猶可轉禍爲福。以待其稔。此情理所必然也。目今徧野飛蝗。夏秋無雨。禾苗絕望。釜豆不登。除一二不罹旱蝗地方外。其餘災傷處所。滿目荒蕪。塵生釜甑。夫妻父子。束手哀號。本縣目擊心傷。救荒無策。再四思維。爲爾貧農籌畫。饑寒所迫。勢必流亡。但今各處告荒。孰爲樂土。故鄉生長之地。親戚聚居。尚且無可資生。一旦流落異鄉。舉目無親。無房可棲。無事可做。憑何術以養生。其爲死亡一也。况當 功令森嚴。面生可疑之人。到處盤詰。卽有熟識在彼。自救不暇。安肯容留是爾民一離故鄉。其此倘困苦之狀。更有不

可勝言者也不若株守阡陌苦覓升斗苟延旦夕轉盼金風肅殺蝗絕雨滋亟種二麥以收桑榆之獲自然苦盡甘來室家如故然無米之炊不能枵腹而待此則爾各業主切膚之痛亟宜多方過恤自為為人以圖後効極知時值災祲下絕廩庾上貽國課有產之家亦苦不足然此時不為救濟倘佃戶逃亡無人耕種久遠之業一旦拋荒將來賠累無時底止豈非計小而遺大舍本而務末者乎為此示諭概縣軍民人等凡窮佃三口以上各業主借米一石五日以上借米二石其有好義多與者不在此列雖不能計日受餐亦可少資體弼合其別為營運以俟麥秋其

佃戶之稍稍溫飽可以自給者亦不在此例如此則業主保其恆產佃戶安其室廬所謂人心既固天不能災眾志成城蝗亦退舍非一舉而兩得之事哉示後如有退田退牛等事即以惰農之法懲之幸各盡血誠交相慰勉慎毋自悞以致噬臍

荒政六 禁索私債

救荒第二示

六合 顧南樓 諱高嘉 縣尹 秀水人

為勸諭緩徵私債以甦荒困事照得民間借貸原以濟緩急通有無也但歲當豐稔則並權子母而有餘時值凶荒則微較錯錄而不足惟是因時斟酌舒疾合宜斯見仁人君子之用心耳目今天時亢旱十室

九空饑饉游臻流亡載道朝夕之謀尚虞不給賦稅之苦甚於剝膚安得餘貲以償宿負惟有稍寬歲以俟有秋則名實兼收利義兩得如或為富不仁惟利是視不能救災恤患逼人剜肉醫瘡驅之溝瀆殍為逃亡民獨何事堪此重困為此示仰闔縣軍民人等知悉一應舊通宿欠槩行停止不許追索俟天意回祥歲禾稍熟總計本息一併取償倘冒利不遵立拿懲究本縣蓋桂性成不畏強禦朝廷正供錢糧尚且不避斧鉞立懇上臺暫停徵比何有于豪強之私債乎勿逐蠅頭致干法紀至于欠債窮民亦宜感茲義舉無負本心稍俟有收即當完

楚不得以本縣告示藉口便想賴過今生若到該償之日恃刁不還被人告發者本縣即當以爾來生果報現之今生嚴追痛比之下非復人形與變牛變馬無異也特示

荒政七

祈雨示

二日後大雨三日迺止

瓊州姚繼菴江陵人

為祈雨事照得瓊土自正月至今四月不雨本廳晨隨道府步行詣壇行禮祈請儀文無所不備一月有餘雷而不雨如聞左向大戶貸錢每日造門但得唯唯而已本廳憤極再不跟隨行香發願縮衣草履步行烈日中逢廟叩頭日行三十里城內外無廟不到

激烈回
天不是
尋常苦
肉計。

食粥一盂。不扇不蓋。薄暮歸卧。門扇不帷。不席如此。三日倘猶不雨。本廳情願與囚同處。不雨不出。諸色人等有願隨本廳者。自明日始。

祈求雨澤事

淮揚
漕撫
蔡魁
吾
諱
士英
錦州人

照得時當播種。急墜甘霖。亢旱為災。三農束手。設壇祈禱。往事有然。齊心竭誠。於今宜哉。古人有一善言。而熒惑退舍。昔賢行一善政。而甘澍如期。無事故襲虛文。所願誠心悔過。簡刑簿罰。潔已愛民。有利必興。有害必剔。自非省躬刻責。無由感格蒼穹。如徒粉飾鋪張。何以挽回。天意本部院為諸司之倡。設立六事。期各遵行。慎毋玩忽。

荒政八
勸民修省弭災

勸諭士民齋戒等事

六合
顧南樓
諱
向嘉
秀水人

照得棠邑凋罷。民困已極。自夏及秋。先經蝗蝻作祟。四野被傷。既又旱魃為災。千巖盡赤。倘使秋成失望。必至饑饉。洊臻貧民。轉于溝壑。富室困于輪將。非特本縣之痼瘵。亦合邑切膚之患也。奈珪璧既罄。炎威愈烈。本縣對臨天日。憂心如焚。虔齋沐。步禱雪壇。引躬自責。以祈昭格。所有屠酤之禁。從來禁而未止。地方奉行。揆查反開。紮詐法門。無益于物命。而徒累于小民。本縣所不為也。但福善禍淫。天心豈無仁愛。救災恤難。萬姓自有同情。睹此亢陽。深思隱患。誠對

官禁屠
而食肉
者如故
止為屠
戶作生
泔以禁
屠則肉
價必昂
也。然屠
戶必為
有棍作

生涯以
所昂之
數不足
飽此輩
之慾怒
也勸誠
及此可
謂無幽
不爛

酒為之不歡列珍不能下咽而猶有飲酒食肉以為
樂者非夫矣本縣誠望爾民之各自為禁所謂以不
禁禁之者也為此示仰闔縣士庶軍民人等各宜滌
慮洗心省身悔過合城齋戒共挽天災庶望油然沛
然立見雨珠雨粟倘有匪類敢群故彰腥穢此即天
之懲民王法或不及鬼神斷不爾宥也眾各觀省戒
之母忽

風俗一 禁尙奢靡

禁娼館

為嚴革澆風以清蠹害以杜亂萌事照得楚省士曠
民窮纔出湯火羽書未息飢應浩繁解草運糧故涉
湖南 周文夏 諱季琬 巡按 宜興人

艱苦本院切切在念每為中夜徬徨何物奸徒某某
等乃敢設館停娼牌名歡樂期以煽惑良雅伏蕩傾
財所關風化不小蓋酒脯營生從來不廢然以充斥
道之饑渴則家常茶飯盡堪果腹若紳衿巨室宴會
賓朋各有所居必不失足於外凡此娼戲酒館無非
竊役棍徒招搖聚會之藪或包攬詞訟于此地說合
調停或結黨朋謀于此地誓盟歃血又或濫差虎役
簽票在手勢挾鄉愚恣其飲噉公庭未到幽直未分
而一舉箸聞已破中人之產矣且演戲聚觀奸良莫
辨開場賭博賊盜潛滋儻有神奸不軌贏跡其間為
憂實大除將守武昌道解到犯人某某等量行責懲

其娼婦碧霞等速行驅逐外合行出示曉諭爲此示仰軍民人等知悉嗣後如有再犯者嚴拏究擬決不輕貸。

風俗二 禁止游觀

綢繆未雨事

江寧別駕胡掌綸諱世美

照得省會繁區五方雜處摩肩擊轂好醜難稽雖時加警惕尤虞旦夕之或弛卽巷肅街澄尙慮柝鈴之未及近見居民以神燈爲事尸懸巷設男婦紛紜歌唱管絃夜分不輟供神原屬善舉祈福所以獲冥習久成風本廳固難禁遏竊恐弛玩足以生奸樂極具以致禍倘重門深舉室玩賞于前鼠竊覬覦于後

良牧之言才人

之筆補入循吏傳中亦是太史公得遊文字

一旦乘間竊發不幾求福而致禍歟事起于所忽彈患于未形本廳從地方起見不得不爲警懼非不知樂民之樂而故爲此迂腐之言拂民情而撓善事也合行嚴飭云嗣後止于初更時候點燭一枝燭盡卽止各家婦女不得出閨游玩致妨家業况張燈原以供神非爲耳目之玩且自七月至今燈之趣味諒已厭足于中亦當止乎其當止如有仍前玩忽不遵戒諭止圖耳目之歡罔顧地方之患設有不測地方總甲及事主人等均罹嚴刑毋謂本廳言之不早

風俗三 禁尙邪教

禁妖僧異服

蘇州署別駕吳蛟木諱江偉

申嚴妖僧異服之禁。以維風化事。照得焚修證果道
行可師。禪衲之中。不無高品。但能栖心澹泊。厭絕奢
靡。始可參禪悟道。松風桂露。時憑布衲。携來冰月。蘆
花。不惜芒鞋踏破。未有身披艷服。態習油腔。狂且其
貌。而能佛氏其心者。也。本廳昨偶公出。見有遊僧服
綺藕碧蓮紅睥。颯道旁。自矜綺美。本廳見之不勝駭
愕。蘇郡固屬巨邦。虞山夙稱名邑。卽士流百姓崇尚
靡文。爲民上者。猶當砥礪頽風。使歸醇朴。何況緇流
服艷。明屬誨淫。世道人心。雕敝極矣。若不極力挽回
後。將何底。除已往結不深究外。爲此示仰該縣寺院
住持知悉。卽便傳諭僧衆。恪守清規。布服芒屨。僧家

本等稍涉富麗。卽是事行不端之人。許卽鳴官究逐。
倘再隱留。一經查發。斷不姑饒。法紀所在。剛斷卽是。
慈悲本廳。欲作護法。韋馱正當在此。處着力也。特示。

辟邪教

河南巡撫賈膠侯諱漢復山西人

爲嚴禁愚民崇尚邪教。以遏亂萌。事照得左道異術
惑世誣民。爲首狡辟附從。流徙載諸新例。何等森嚴。
無奈愚民不知醒悟。殊不思聖賢立教。原自明白正
大。舍此而外。卽爲異端。從古以來。妖言惑衆之徒。邪
道倡亂之輩。代不乏人。始因無籍之景從。遂成燎原
之難撲。以致流禍郡縣。荼毒生靈。草薶一時。終膏斧
鑕。歷觀往事。亦邪教害人之大較也。中州川原遼闊。

地蕪民貧奉法治生是其本分乃有無知愚民厭常喜異棄正崇邪皈依白蓮大成皇天等教聞香聚會男女混雜陽修善事陰構異謀近日許田洧川之變實起於此若不盡絕根株恐貽將來隱禍爰憐此輩無知皆我赤子安忍不加勸諭但以法繩合行出示禁諭爲此示抑撫屬軍民人等知悉示後各宜悔悟改邪歸正附從愚民亦當速行解散各務農業毋得三五成羣夜聚曉散但看守正者有妻孥生聚之樂信邪者有死亡流徙之苦轉移只在一念之間苦樂遂有天淵之隔清夜猛省勿再執迷云云

風俗四禁賭博

禁賭博示

關西李含馨
守憲
滄陽人

爲嚴禁賭博以靖盜源以安地方事照得農工商賈各職其事財用於是乎出衣食於是乎克無論務本逐末總期三時不廢而工利相資庶幾家給人足以成熙皞之治有等遊閒無藉之徒不循本業專以賭博爲生每每結黨成群煽誘良家子弟窩賭騙財惟圖自己飽衣煖食不顧他人敗產傾家不肖子弟一墜其術率皆迷而不悟不死不休以至窮餓其父母凍餒其妻子親友姍棄隣里譏彈且賭窮爲盜勢所必至越禮敗行何所不爲殆至犯法亡身悔何及矣新旨森嚴設有流徒站配之典亦無非爲不肖愚民資台新書二集卷十四

下此頂門針令改過遷善以自保其身命耳爾等自思亦何苦不學好人而甘蹈法網也合行出示禁諭爲此示仰闔屬軍民人等知悉如有前項匪徒卽速煎洗肺腸改圖變業如有怙終不悛則今日之遊手卽將來之盜賊本道務絕其源立刻嚴拿從重究遣非懲賭博乃杜奸萌勿怪本道行法之太峻也

風俗五 誠輕生

王法勸諭等事

江寧 邑宰 俞硯如 諱滋慧 新會人

照得江寧一邑糧無頽戶訟鮮刁詞風俗可謂醇矣惟是本縣蒞任未及兩月見民間自縊暨投河淹井之事數數見告查其致死之由非有奇冤大抑力不

能伸亦非有勢焰豪威逼不可受止以家庭細故鄉曲微嫌偶爾致爭遂付身命于一擲甚至有以衣食不敷疾痛難忍亦遂覓此短見者可牧者見此能不怒焉于中但既事關人命無不相驗之理察其有無別故始憑報憲本縣事務殷繁不能一一親理勢必委之衙屬而衙屬所司又非一事或遇別冗勢必暫停及至勘驗得實已經暴露多時矣目擊蠅蚋姑嘍之極慘雖孝子不能掩其親明知血肉糜爛之堪傷卽循吏不能已其事既無積恨難容又非深冤莫解何故自棄其生又復蹈此身後之餘慘甚爲吾民不解也殊不知因緣果報絲粟不爽前生釀今世之因

至情至
文炳然
千古

今世伏來生之案是孽皆由于自作怨尤無損于天人動輒忿爭突然自盡是前世之因未償而後世之孽復作矣世世沉淪曷其有極况疾病有痊可之時貧窮有剝復之理小忿小嫌事過即解何至自輕生命永墮重泉殊可浩歎願我民交相勸誡使愚蒙警醒咸登壽域享考終之福正丘首之仁有裨民命豈淺鮮哉本縣細釋其故凡民輕生雖屬死者之愚實由生者之忍使家人果能消弭隣佑善于解紛豈致積怨叢尤釀成此禍自今以後凡有自縊投河淹井等項除真正有人威逼及用強毆打以致自盡者自當照律究擬外如止因前項細故並無不解之讐爾

等家人隣佑果能力為勸解曉以因果諭以生死大道自然反迷成悟樂生畏死若復因循坐視見死不救從來幸災樂禍之人即是唆爭起鬪之人本縣既傷死者之難生必恨生者之不救從重究懲以挽頽俗爾民慎毋泄視謂此罪為律文所不及也

勸諭愚民等事

六合顧南樓諱高嘉縣令秀水人

照得六邑民風剽悍好鬪爭勝每因細微起釁輒以身殉或投塘或自縊甚至一朝之忿斷頸不顧原其設心不過謂以死相博遂可破其身家泄我忿恨伏讀律例一款凡因事威逼人致死者杖一百追給埋葬銀十兩猶必審有可畏之威始合此律若平等之



人罪又在所減也。夫殺身之痛，何等重大。止博一杖，况本縣承乏三載，從來慎刑去罰，就事原情，一審卽結，斷無破家之累。彼以性命輕試，不幾等若鴻毛，深可痛惜乎。爲此示諭闔縣軍民及保甲長鄉耆，各要遍相申飭。父子夫婦兄弟間，尤當朝夕勸戒，慎毋片時抱憤，飲痛九泉。本縣婆心懇切，萬勿過耳不入也。特示。

風俗六 勸埋棺

募勸掩骼瘞瘞

杭嚴黃口口 謹鳴俊 巡憲 福建人

吳越向多火化水淪之風。司牧者以禮教董之，封阡始盛。然力艱弗舉，地遠弗歸，與夫拘牽於陰陽干支

之說者，不免暫停積以待首丘，而一時射利之徒，遂築土爲居，廣招寄頓，素直不遂，具奉尸外，飽饑餒而飫聚蟻。其去火化水淪也，無以異。此廓除之厲禁所繇興也。夫家稍殷而拘牽於陰陽干支之說，只須尺一檄之自坦足矣。若力艱弗舉，地遠弗歸者，無漏澤以安其魄，無資錢以給其傭，而徒爲厲禁阻之，不仍委白骨于荒郊，悲青憐于永夜哉。幸撫院喻按院方慨然以捐餒置地爲已任，而本道與府縣諸僚相率從事。紳纓長者復從而擴錫類之仁，欲本道出一言爲激勸。夫仁人惻怛，因物而拯，期乎無憾。東坡之贈李廌堯夫之贈曼卿，彼豈羨西伯本支百世之報。

殆為是善舉哉。廼今之好施崇祀多方佞仙佛者。將以廣福田也。彼一土木耳。相與雕鏤之丹青之金碧。宅之鍾磬奉之。以求夫介紹于上帝。寵綏百祿。至於胞與形骸。秦越相視一付之烈日炎風。寒霜冷露之場。即自為福田計。而孰妄孰真。孰緩孰急。寸地應自了了。固無俟持鉢者之遍為饒舌矣。本道執是以。祇告同志。兵樹陰功。若夫卜地宜高燥。瘞襯宜標題。以及受僱給金有條。請佃自封。阻撓後塋有禁。尤願在事諸員。效力行而曲體焉。

禁典妻女

地無華蠻人自蠻之瓊俗之陋。未有甚于質婢者也。

瓊州姚緣菴 諱士升 在陵人

簡而文

閭左之堪生女。或十餘歲。輒以質錢。有至二十以外。未得贖嫁者。所質之主。或轉質經數家。絜瓶之智已不可問。寄珠越宿。又安盡保其故吾耶。本廳每聞訟牒。間有此事。蹙額切齒。既而思之。斯皆為爾上者。教養無方。豈弟之未至。而爾等饑寒徭賦。迫促無聊。墮壤廉恥之故也。夫俗至典僱子女。以克公私之用。而為人上者。尚恬然坐堂皇。食處如恒。不一痛心引手。共為鮮廉寡耻。何僅在下本廳。願與爾民。蠲滯宿耻。再整廉隅。以挽頽俗。并與諸富家受質者。暨兵丁有前此准債收質者。約限五日內。盡赴本廳首報。凡有質者。計年除值。五年以上者。徑還承主。三年以上者。

每見有
鄭衛之
君樂談

俗者視此當居何等聖心佛手

有至情自有至文不求工而工之至矣

半贖不及三年者三之二贖其價買非質當者不在此例有力不能者本廳雖貧願為爾代再不足為爾募富家兵丁有能護戒者佛天聽卑凡有福田利益悉歸爾富家兵丁本廳無預相與共成此一段太陰陽返蠻俗而歸華醇大家合掌天人拱聽嗟乎至尊萬乘尚放宮女三千吾儕小人可悵蠅頭什一不過取懷之予便是再生大生本廳負此募簿廣求慈悲倘或慳執亦能捧喝當頭也特示

風俗七 禁銅婢

禁止銅婢不婚等事

金華 別駕 羅鏡菴 諱 靈章 江都人

照得男女匹配理合陰陽婚嫁蹉跎事干倫理男子

弱冠而婚女子及笄而嫁此古今不易之規例也訪得婺州惡習民間婢女有年至三十四而未嫁者甚有禁錮終身髮白齒落而未經字人者是天地間陰陽二道竟屬徒然夫婦一倫總成虛設悖理傷化干犯天和莫此為甚此皆富家大族喜用無夫之女便于出入房幃恐其一經配合即分事主之勤以修愛夫之好是以日復一日年復一年遂不覺老之將至及其老也欲行配合又無樂受之人此其所以子處一生永乏于歸之日也大姓若此貧家小戶又復尤而效之父傳之子子傳之孫遂成今古相沿之惡習若不遇一辣手之官嚴加禁革擇一二頑梗不遵

者盡法懲之。則此陋習頽風流將安底。試問呼奴使
婢之人。孰不有兒有女。胡不設身處地。試一忖量。親
生兒女。過期不嫁。父母有不哀憐兒女者乎。兒女有
不怨恨父母者乎。人有尊卑。情無上下。何怨于待已
而刻于待人乎。且凡民之家。畜一牛羊犬豕。尚思為
雄覓雌。移牝就牝。而獨于婢子。不然何慈于待物而
忍于待人乎。汝身自有妻妾。汝之兒女。亦各有夫婦。
皆其習聞而熟睹者。窺此琴瑟之歡。增彼向隅之泣。
此種人情。不加體貼。豈真鐵石為心者乎。合行嚴飭。
為此示仰。合屬軍民人等。知悉。凡有了鬻婢。女年過
二十以上者。不論大家小戶。總以一月為期。或外嫁

良民。或內婚僮僕。盡行配合。如過期不嫁不配者。許
地方鄉保人等。指名首告。以憑盡法嚴處。其婢女。即
着地方鄉保。擇貧窮男子。之無妻者。至本廳當堂配
合。量給聘資。不准全禮。此後著以為例。凡屬民間。使
女婚嫁之年。總不得過二十以外。茲本廳一面出示。
一面申詳各土臺。事關移風易俗。諒無不批允。飭行
者也。特示。

風俗八 禁造訛言

諭惠潮二屬

嶺東 李包閣 諱文煌 河南人

為嚴禁訛言惑眾。以安地方事。照得我 朝定禁法
制修明。無一舉而非仁民愛物之心。無一行而非保

民致治之事。粵東界在南服。去京師遼遠。有等不法奸徒。慣倡異論。搖惑地方。茲又訪得前項奸徒。創言流布。有選取幼女寡婦。克為宮使。以給蒙古之說。致使里巷愚民。承訛踵謬。各將賢淑幼女。混嫁非偶之徒。三從罔顧。六禮不行。且有守節多年之婆婦。忽抱琵琶從戎。未返之征妻。頓乖琴瑟。傷風敗俗。壞法亂倫。莫此為甚。除一面嚴訪造訛之人。按法重處外。為此示仰闔屬諸色人等。知悉爾等從前所聽。盡屬訛言。毫無影響。自示以後。各宜安心樂業。無得輕舉妄動。以致倫理乖張。男婦失所。如有云云。許捕巡員。役及地方人等。密訪得實。或稟該地方官。或卽具呈本

道。以便嚴拿嫁娶之家。并媒妁人等。立置重法。決不姑貸。

風俗九 禁屠牛犬

通行各屬牌

甘山 巡憲 袁蓼匪 譚周左 濟寧人

為察禁屠牛。以清盜窩。免妨農作事。照得宰牛之禁。奉旨申飭已久。軍興以來。椎埋犒饗之餘。所有無幾。加以盜賊遍鄉。狼饗鼠竊。專盜耕牛。以致田畝拋荒。農民棄業。茲值封疆稍宴。內城外鄉。積盜芟除。八九小民甫得買牛耕種。聞有不法之徒。盤踞鄉村。鼓刀而屠。弱肉強食。一窩買賊牛。半夜來者。半價而售。五更到者。量與薄值。影附豪惡。威稜假託。營兵資

本勾結城市積棍表裏為姦或借名官買驅趕入城
或裹藏肉臟挑進販賣屠家恣意吞肥盜賊希圖滅
跡間有失主追踪躡跡尋至伊家畏懼惡焰不致告
發告亦不得真贓所以忍氣吞聲明知已物無從識
認是宰牛之人久作強盜窩家地方有司未嘗過而
一問不幾絕此種類以供若輩之砧俎矣乎除城內
數家諭令悔過改業一面條引律例出示曉諭禁絕
外合就通飭為此牌仰西寧甘山等處各州縣衛云
云如有損傷病死之牛本主赴該縣呈報驗明批照
方准開割不許里保差役借端詐騙其官買迎犒及
取用皮角責累當行原屬未流苛政有傷治體願我
賢有司併行蠲除勿致仰干明禁下病農功為盜賊
增一淵藪也

嚴禁私宰

房山 邑令 佟孚六 謹有年

照得買犢為治耕牛居農力之牛即以 朝廷之上
非郊祀大典勿輕用也其中果報更難枚舉本縣未
暇宣諭但從有功于人無故恣情一割抑何忍也且
太宰滋味原非日用必需嗟此凶荒牛粟不飽而尚
宰特牲以克口腹耶非唯罪孽難逃兼且暴戾天物
本邑向無私宰屠行恐僻遠鄉鎮或有忍心射利者
不得不遍行申飭

嚴禁宰牛

六合 縣尹 顧南樓 謹高嘉

無意為
文而自
然與雅
望而郊

為嚴禁宰牛以肅功令以禳旱災事照得屠牛之
禁疊奉嚴綸屢蒙憲檄本縣禁飭再四不啻頽頽
舌敝矣奈罔利之輩枯惡不悛貪戀蠟頭甘蹈法網
不思萬物之中惟牛最靈亦為牛最苦佐民耕稼則
犁兩鋤雲力任輓輪則任重致遠誠以力濟人之物
有功於世者甚大乃肉飛血灑慘目傷心就戮而哀
鳴鼓刀而墮淚觀其殷鯀深可憫憐故殺牛之禁不
惟王法甚嚴抑且冥責尤重歷觀因果報應昭然
爾等誠于清夜捫心自反積孽百務皆可資生何必
操刀為活五味盡能適口奚難舍此一瓣目今上天
垂戒八夏亢陽民力竭矣何堪再罹凶年過則改焉

為提升
本色幕
中之文
不若是
也。

庶可挽回天意為此示仰闔縣軍民人等凡宰牛屠
戶俱限三日內毀鍋改業地方隣里具揭報查倘視
為具文教而不改本縣薑桂不移有言必信或經告
發或由訪聞立竄重典勿謂鬼神可欺三尺可滿也
所有宰牛報應採其尤者列後為合邑百姓勸懲其
各錄記家諭而戶曉焉

計開

一平泉陸公會試時王陽明先生之父海日翁為郡
太守夢見城隍庭下皆係陸善人問之名樹聲明曰
召陸公外父李秀才問之曰汝婿平日何為夜夢如
此可異也李對曰是常勸人勿食牛肉者已而遂報
資台新書二集卷十四

春榜第一

一縉雲管樞密師仁。少時元旦五鼓。遇大鬼數輩。形狀獍惡。問之對曰。我疫鬼也。今行疫人間。仁曰。吾家有之。曰。無也。何故得免。曰。不食牛肉。

一萬曆己酉科。應天府庠李鑑。祈夢神祠。夢與楊應文同榜。楊名下大書禮父陰功浩大六字。更畫一牛像在旁。李查訪庠籍。有楊應文姓名。謂必同中。及院試。楊生不得科舉。李入場。快快自失。洎揭榜。有楊應文同榜。乃常州無錫人也。因詳扣楊氏。前代陰騭事。楊云。其家不宰生不食牛。已三代矣。

一子包鴻逵。順天發解。一偁陳萬言。浙江發解。

一龍泉邑趙太保。好屠牛。常買三牛。已宰其一。一文天未明。忽魘作哮吼聲。經日不醒。急呼醫者用藥救療。方甦。家人問故。曰。適見所買二牛。忽作人語。曰。吾爾父也。一曰。吾爾祖也。須臾二牛皆人形。熟視之。則皆吾父吾祖也。哀號懇切。驚駭而覺。即以二牛付之。庄田自是改業。

以上係烹宰善報

一宋房州李政。為保正。頑猾健訟。交結吏胥。巧為囑托。官司莫能治。性酷好牛肉。每至人家。爭以牛肉餽之。逾量酣飲。然後肯去。稍不如意。即以事踪跡人而

卷之四十一
中之淳熙四年暴亡其家牝牛當生一犢腹下白毛
成保正李政四字人有來觀者則坦腹以示每見妻
子輒流涕後復爲虎所食骨肉皆盡

一奉新縣村民繫牛于柱將殺之其隣家子平日饕
食乘醉入觀踞坐指屠者速操刀我欲肺臍生食不
宜緩仍不可與他人語至再三牛忽驤首怒目直視
此子奮力掣索索斷直前徑觸穿其腹戴之以走過
四十里不脫鄉人及其子弟奴僕百餘人槍杖叫噪
共往追逐乃得其尸

一鎮江華回子父子宰牛忽仆地作牛鳴臥病月餘
額生雙肉角長寸許死時人皆聞牛尸氣

一景世庠死至陰司見囚徒甚衆一沙門地坐前列
簿書斥世庠曰汝本應福壽坐殺牛三百七啖犬肉
合當貧歿世庠曰食犬有之牛實未嘗殺也沙門曰
汝爲里正里中殺牛而汝不禁與汝殺何異姑還警
世越明年復卒嗚呼以不禁殺牛而遽坐以殺牛之
罪陰司法網之察如是哉

一太和中光祿厨欲宰牝牛牛有胎不久合生或議
以他牛換屠者不聽操刀而前牛乃屈膝而拜屠竟
殺之後屠者狂走失常每日作牛啼食草少許身入
泥中以頭觸物良久乃死

一宋譙國城父人王曇畧常以牛作脯爲業一日殺



牛牛見刀輒跳躑欲走。曇畧怒乃以刀刺牛目。少時目眼無故流血遂盲。

一廣陵朱氏子家世勳貴性好食黃牛所殺無數。常于暑月中欲殺一牛其母止之曰暑月如此汝已醉所食幾何勿殺也。子向牛言曰汝能拜吾吾赦汝。牛應聲下跪而拜。朱及怒曰畜生安能會人言立殺之。數日病恒見此牛為厲竟作牛聲而死。

一滁州人姓來名安屠牛為生每令其子視其用刀欲世為業。一日安酣寢子以為牛持刀斷其首眾駭曰汝何殺父子曰我見是牛不知是父。父常教我殺牛。今見牛睡試刀法耳。殺牛而自死牛之下并假手其子此報大奇。

以上係烹宰惡報

禁宰耕牛示

錢塘 梁治湄 諱允植 邑幸 真定人

照得牛之為物上應天星下關地利。有功于世無害于民。故宰割耕牛禁例申明。其來舊矣。本縣蒞任兩載未獲仁民。致云愛物但思。朝廷無故尙且不殺小民。有禁輒敢私屠。況適口充腸。儘有肥羊嫩豕。邀賓宴客。復多海錯山珍。舍此不食。而必欲害此勤勞善物。稼穡功臣。却是為何殊難。索解合行嚴禁。為此示仰軍民人等知悉。嗣後倘有仍前開張舖面屠宰公行。罔知畏懼者。許地方總保

不時稟報以憑立拿按法重治互相容隱者察出一併究罪

禁剪竊示

江南臬憲陳司貞諱秉直海城人

心若始磨之鏡明燭秋毫又能追本窮源扼其梗要無怪乎大江南北贊頌神明至今

為嚴禁剪竊之害以安地方事照得欲清盜賊先嚴捕役欲靖根株務究窩主此端本澄源之法也近聞省城內外有一種剪搶積賊每日三五成羣在鬧市之中窺探行人腰纏乘隙剪搶及其知覺而各賊業已遠遁在本地居民尚不能訪緝追尋若遇外來之人茫無適從苦將誰告訪得剪搶竊賊各有地方及窩家如某方剪搶即尋某方捕快便知其賊根自但捕快追尋俱視失事人之強弱如遇能事之人恐鳴

官府先與講明謝禮然後為之訪緝雖不能得物之全亦或少歸其半如遇無能為者既索酒食又素尋物之資未有所獲先有所費日久無奈只得含忍寢息其所失之物捕快與賊因而瓜分此捕窩通同剪搶之害乃日間事也當此隆冬正盜賊生發之時城南地方人烟湊集柵欄嚴密夜間或可無虞惟城北僻靜地方人民稀少巡緝不密盜賊時時竊發失主誠恐拖累大半隱忍不報以致夜夜不寧皆因捕快素養積賊小得則月月納獻規禮大得則賊物均分此捕快通同積賊之害又夜間事也嗟嗟饑荒之後小民尙未甦醒何堪日夜荼毒本司為爾百姓籌畫

不能安枕除檄行南北兩捕官并上江二縣每逢初二十六投遞各捕有無失事甘結去後仍令該廳縣將素養剪絡竊賊各捕快拿究外合示嚴禁爲此示仰軍民人等知悉凡有剪絡搶竊等害如某方失事卽尋某方總甲并守方捕快着落追尋如不追尋卽稟報廳縣若廳縣不爲追拿捕役勒索酒食資財將事主拖累日久所費不堪等弊許赴本司不時臧稟立拿查實官則報察捕則處死務期盜跡盡絕如未經投遞廳縣及捏報私讐番明加倍重處其剪竊各賊窩家地方隣甲隱匿不報查出並坐不饒特示

禁把持婚喪需索重費 江南 陳司真 謹秉直 泉憲 海城人

亭彩樂 工之爲 害處處 皆然而 江南尤 甚至于 輾脚等 夫之勒 詐其害 更甚常 有一婦 一喪而 索錢數 十千不 止者喪 家慮費

爲嚴禁市棍把持以便民情以肅法紀事照得本司秉憲江南蠶如察吏惟期訟簡刑措弊絕民安故凡地方利病靡不悉心探訪極力興除近訪有亭彩舖戶結黨齊行向來各分地界使民間需用不得赴他方租辦任彼高擡租價恣意勒索凡有婚喪之家不用旣不可別租又不容勢必厭其所慫而後已是亭彩舖戶把持措勒已于民久不稱便又有轎燈租器舖戶向俱隨處租用近亦效亭彩之尤不特各分地界更且擅立公店科歛公費又有鼓吹樂工亦分地方互相把持壟斷網利婚喪之家大受其害若不嚴加禁革將來事事效尤爲害地方終無底止至馬頭

每停十
餘年不
舉自公
禁後家
無久滯
之柁澤
及枯骨
仁人之
利溥矣

脚夫。雖云各守本坊。然遇事多勒僱價。不容別覓。亦屬把持。強梁肆害。均為不法。合行嚴禁。為此示仰舖戶軍民人等知悉。嗣後民間凡遇婚喪。租用亭彩燈轎。并僱覓馬頭人夫等項。悉從民便。聽其隨處租覓。不得仍前結黨把持。分派地方。及設立公店。多勒租價。如有故違。許被害人等。即赴府縣首告。拿究申解。本司以憑盡法究處。不貸。

禁喇棍叫好示

江甯陳司貞
諱秉直
泉憲

為嚴禁。叫好喇棍。以清盜源事。照得江甯省城風俗。素稱純樸。豈今近時。囂風日熾。出一種無賴喇棍。似乞非丐。遊手好閑。以精壯之徒。故作窮兇之態。每日

窺探婚嫁喪壽。大小有事之家。或三五成群。或十餘人。一夥到彼。說汕語數句。名曰叫好。因而索錢索酒。稍不如意。即行辱罵。若與理論。即肆兇扛打。庶民之家。寡不敵眾。難與相爭。富貴之家。又體統自重。不屑與之較量。每每含忍。聽其擾害。所許之錢。動以千紀。以致此輩相習成風。全無顧忌。竟以此為應得之常例。當場議價。開口動索數十千人。畏其兇止。求減而不敢逆。更可慮者。凡民間吉凶喪娶親朋畢集。往來雜沓。最易疎虞。此輩名為叫好。實窺家室之盈虛。并探門戶之出入。以為盜竊計耳。青天白日。晝行兇如此。若在昏夜。何事不為。古云清盜必清其源。源清斯流

勿以善
小而
為先
生有焉

不濁此等皆盜之源也地方官總未知覺以為乞化
小節漫不深究烏知涓涓不塞流為江河此輩以乞
丐始寧肯以乞丐終乎除檄行南北兩捕官及上江
二縣拿究外合行嚴禁為此示仰省城內外軍民人
等知悉示後但有無賴遊棍假粧廢殘病丐三五成
群仍蹈前轍叫好索詐凌辱扛打等情即著落守方
捕役該舖總甲立刻鎖拿交付該管衙門枷示驅逐
如捕甲不行緝拿查出加倍重治決不輕饒

禁破喪勒詐示

江南陳司貞諱秉直
泉憲海城人

為亟除第一惡習以敦風俗以廣孝治事照得生養
死葬人子所當為暴骨露棺不孝之大罪先賢有麥

既有此
等破耗
再如亭
彩樂工
輜脚等
夫之勒
索欲不
久停親

舟相贈之義凡民有匍匐往救之情未有乘人之喪
而反藉端擾害者也本司訪得江南民俗竟有祖宗
父母歿經數十年而未葬者甚有至三四世而停棺
曩曩不能入土者細察其故皆由親族人等執有破
孝各色一值舉殯輒扶老携幼擁坐喪家需索酒席
務必暢飲歡呼連宵達旦而後已稍不滿意或間有
失邀又必鬨然喧鬧不容舉棺富者雖遭破耗猶能
勉力為之無力者束手嗟嗟惟有日復一日年復一
年聽其暴露于家而已更可怪者凡人妻妾病故不
論有無別情其父母親屬人等必鬧聚偕家先毀器
皿什物以示威然後勒令如何厚殮如何齋醮如何


喪其可得乎

安葬志得意滿方許入殮觀此舉動是人之娶妻非以助家反以破家也休戚相共之誼其謂之何本司一教明刑職崇風紀似此惡俗急宜掃除合行示禁為此示仰軍民人等知悉凡有一切亡故屍棺應葬未葬者審已力量隨時殮埋倘有此等惡棍仍執破喪名色糾集多人需索酒食勒措阻撓者許受害人協同地方總甲立時呈報所在地方官解赴本司除重責外定以三百斤大枷立枷一月至于已嫁之女身故果有別情官法具在若係病亡凡有親屬打至僭家借端勒措者亦許受害人同地方總甲隣佑立時報官依圖賴律從重治罪決不輕貸

禁置棍打降

江南 陳司貞 謹秉直 臬憲 海城人

為申禁打降痛遏置棍以昭功令以安良懦事照得打降為害江南時有而蘇松尤甚如某某等一有發覺本司即盡法處治隨經嚴飭在案仍恐此等棍徒情惡不悛狐羣狗黨引類呼朋打造金剛箍流星錘檀木棍鐵索鏈諸般兇器盟香會集不論吉凶慶賀之事即插身其中腹不醉飽不止橐不盈滿不休少有未遂蜂擒肆毆尤可恨者一遇訟事或原或被必先投託打降其未審以前四路堪拿毒毆則既審以後布陣攔打視人命若草菅藐官法如弁髦此真聖世之窮奇治時之構柘者也合再行嚴禁為此示仰



所屬諸色人等知悉嗣後如有前項罍棍結党打詐
把持官事仍于街巷邀截行兇者該地方巡捕官役
卽便擒拿解司以憑大法懲治其在府二縣衙門
糾聚肆害該衙門不卽擒解者卽以不職揭叅法在
必行務淨根株以洗惡俗前項奸徒各宜洗心滌慮
痛改前非無以身家性命輕試本司嚴法也

